


IMISANGO ITATU IYA BACETEKELA

 Natukontamike imitwe yesu. Ne mitwe yesu iyakontamikwa, ne mitima yesu, ndesunguka ni banga abalekabila ukubebukisha mwi pepo, kuti mwaimya fye ukuboko kwenu, no kusosa, “Shikulu, njbukisheni, Mwe Shikulu.” Pali ifya kulomba ifingi pano, ututambala utubikilwe pe tebulo.

2 Mwe batemwikwa Tata uwa mu Mulu, ifwe natulongana na kabili muno cungulo bushiku pe samba lya uyu mutenge, umo Imwe mwatukumanya inshita ishingiri nganshi, kabili mwalingisha ukutemwa Kwenu kuli ifwe; nge fyo tuleesha mu nshila shesu isha petama ukulangisha ukutemwa kwesu no kutasha kuli Imwe, pa fyo Imwe mutucitile ifwe. Kabili muno bushiku twaisa nakabili, Shikulu, nga bantu abalekabila, pantu ifwe lyonse tulamukabila Imwe. Kabili ilyo lyonse ilyo tuli pesonde, twalishiba kulya kuli no kuba kubilikisha, pantu tuli mu bulwi. Kabili ifwe twaba...Ubulwi bulewikwa, kabili Imwe mwalilaya no kusosa ifyo mulwani akaba nge nkalamo ilebuluma. Ena nakakulwa pakati ka bantu, kabili ifwe kuti twamona cena ukuli konse, nge nkalamo ilebuluma ukulya uo ingalya, pantu alishiba inshita yakwe inono. Lelo ifwe natukwata—natukwata ta—Tata uyo usakamana pa Bakwe abanono, kabili kuli Imwe twaisa ne fya kulomba fyesu, muno bushiku, Shikulu. Tulepepa ukutila Imwe mwalapela fyena.

3 Kabili utu tutambala utuli pano, Tata, cilepilibula ukutila kuliko abantu abalwele ku cifulo cimo mu mpanga, kabili abo baleita no kukabila Imwe, no kucetekela pali Imwe, ukweshia icitetekelo cabo muno ukutuma utu tutambala. Lesa, peleni ukutila cila umo uwa bena ondapwe.

4 Ifwe natumamona amaka Yenu ayapulamo, Shikulu, ama miniti fye ayanono ayapitapo mulya muli cilye cipinda, ukubwesha ukwibukisha ukwapwililika ku mulumendo uyo wa lubile. Ifwe tulemona amaka Yenu ayakalamba, inshita panuma ya nshita, ukufumya amalwele no kusokolola inkama sha mu mutima, no kulangisha abantu, no kubabika fye ukutonta mu butantiko. Tuletotela Imwe, Shikulu Lesa, pantu cilya cacila umuntu onse. Cilya cacila icintu icili conse ico uuli onse uwa muli ifwe engeshiba, ifyo Imwe mwingasokolola cilya icalengele, kabili ne cacitile, kabili ne fyo cili. Cilya ni Mwe, Tata. Kabili twalishiba, ukutila, “Icebo cilafwailisha umutima, kabili nga Kalingulula uwa matontonkanyo na mapange ya mu mutima,” e ico tuletasha Imwe pali ici.

⁵ Kabili nomba, Shikulu, ifwe tulecetekela ukutila abantu nomba, ne mitwe yabo iyakontamikwa, bena baletontonkanya pali ifi fintu, kabili wene Mupashi wa Mushilo uyo ulelanda kuli bena. Kabili peleni ukutila cila cimo cafya kulomba fyabo fingasukwa. Pususheni abenga pusushiwa, Shikulu, muno bushiku. Abaluba, lekeni besemo no kupusushiwa.

⁶ Ifwe tuletasha nganshi ukumona ulyo ukalamba, umwina ukulu wa fyakufwala ifyabomba kulya, ukwishiba ukutila inshishi naisuka; kabili ulubembu lwa muntu wa kale nalushikwa, ku bengi muli bena. Kabili ndetotela Imwe pali cena, Tata. Kabili lekeni bena bende mu Bumi bupya, inshiku shabo shonse. Ukupitila mwi Shina lyakwa Yesu Kristu, twalombela cena. Amen.

⁷ Shikulu amupale, apele ifyakulomba ifyo mwacikwata mu mitima yenu ku kwasukwa.

⁸ Nomba ndecetekela Billy acisosa ukutila Munyina Wheeler acikwata akanya akanono. Bushe cilya caciba cishinka? Bushe ni mpanga icilubo palya, ku kushishiwa, atemwa icintu cimo cimbi, na pamo kushishiwa. [Munyina Neville atile, “Ndecetekela kwaciba tutatu atemwa utunya tune.”—Ka.] Cisuma. Nga mulefwaya ukubaleta nomba, ifwe tuli no kuba abansansa; nga bakalamba bali no kwisa ku ntanshi, no kubika indupi shabo pa tubana utunono, ku mulimo wa kushishiwa. Kabili ifwe twalaesha ukwipifya fye. Kabili tulefwaya aba bana banono, abo abalefwaya ukwisa kuli Shikulu Yesu, abalefwaya ukuleta uwabo—uwabo umwala unono uo Lesa apela kuli bena. Ifwe lyonse tulesha ukubapangila inshila, pantu tatwaishiba ifyo mailo cikaba.

⁹ Ba mayo balenjeba, “Mwibika, mailo, ico cingacitwa ilelo.” Cilya cishinka, pantu tamwishibe ifyo mailo cikaba, lelo natwishiba Uyo uwaishiba mailo. Cilya e ciputulwa icikankala. Natwishiba Uyo uwaishiba mailo.

¹⁰ Munyina Wheeler, Shikulu lesa akupale. Kabili uyu ni Nkashi Wheeler. Ndi mucine uwansansa ukukumanya imwe. Kabili ine . . . ishuko lyandi ilikalamba, inshita ya kubalilapo, ndecetekela, nge fyo naishiba, ukumikumanya. Kabili uyu mwana wenu. Ishina lyakwe nani? [Nkashi Wheeler atile, “Carlena Rebecca.”—Ka.] Carlena Rebecca. Cisuma, ifyo kaba aka mukashana akanono akasuma, akaemba nge fyo kengaba. Nomba, umunono Carlena Rebecca Wheeler.

¹¹ Munyina Wheeler ni umu pa ma dikoni besu muno mulukuta, kabili Lesa napala ukwampama kwabo, kuli uyu munono. Ndecetekela na mukwata, nalimo, nalishiba, babili na bambi abakashana, bushe tawakwata? [Munyina Wheeler atila, “Batatu.”—Ka] Abakashana na bambi batatu. Bena mucine ni ba namayo abasuma, nge fyo ng’umfwa, kabili e ico ndepepa ukutila Lesa ali no kulenga Rebecca nga bashala muli bena.

Mwamona? Kabili lyena cilya cikaba ukwikushiwa na imwe bonse, bushe tacakabe? Cilya cishinka, pantu bena bana abasuma nganshi.

¹² Nshishibe nga cakutila wene alansuminisha ukumwikata atemwa iyo, lelo, nga tacite, twalabika indupi shesu pali ena. Bushe kuti watemwa ukwisa kuno kuli ine, Rebecca? Ulefwaya ine inkwikatilile? Cilya cisuma nganshi. Ifyo aba umukashana umunono uwaemba!

Nomba natukontamike imitwe yesu.

¹³ Uwa wamisha Shifwe uwa mu Mulu, ilyo twiminine kuno ku cinso cakwa uyu dikoni, muno bushiku; kabili mucine iofeshi ilisuma abamo, pantu dikoni alingile ukusangwa uwa bula mulandu, umulume wa mukashi umo, ukutungulula ulupwa lwakwe bwino. Pantu, nga ena taishiba ifya kutungulula ulupwa lwakwe, musango nshi ena engatungulula inga'nda yakwa Lesa? Kabili tuletotela Imwe ukutila uyu munyina nakumanisha ifi filefwaikwa, kabili tulesanga muli wene Umupashi wa kwa Lesa.

¹⁴ Kabili ena aleleta nomba akanya kakwe akanono akanakashi kuno, ku kushishiwa. Imwe mwalikabika mu maboko yabo ku kukakusha. Lesa, kabili ifyo ifwe tuletasha, ukutila ifwe kuti twasosa, ukukabila kwabo kwa kutila wene ali no kuba nga bashala ba nkashi shakwe. Peleni, Tata, ukutila ici cili nokuba ifyo. Kabili lekeni umwana abe no mweo kabili—kabili akabe uwa mulimo ukalamba kuli Imwe, Tata. Kabili nomba, mwi Shina lyakwa Yesu Kristu, twapela aka kanya kuli Imwe ku bumi bwa mulimo. Mulengeni ukuba no bumi busuma, ubwakosa; lekeni ena akekale ubumi ubutali, mpaka Yesu akese, nga cilya kuti cacitiwa. Kabili lyena, Tata, ifwe tulecetekela ukutila wene akakushiwa mukukonkomeshiwa kwa kwa Kristu. Kabili tulepela ubumi bwakwe kuli Imwe, ku bumi bwa mulimo. Ameni.

¹⁵ Lesa akupale, Rebecca. Kabili Lesa akupale, Munyina Wheeler na Nkashi Wheeler. Shikulu abe na imwe.

¹⁶ Uli shani? Nomba uyu na umbi umukashana umunono no kumwentula ukukalamba pa cinso cakwe. Kabili ishina lyakwe nani? [Banyina batila, “Rhonda Renee Coats.”—Ka.] Rhonda Renee Coats bushe co cishinka? Bushe uli lupwa kuli Jesse kabili na bena, Jesse Coats? [“Iyo.”] Nacitontokanya fye...Nalishiba bamo ba Coats muno mu musumba. Nalibeshiba bwino nganshi, kabili baba—baba abanandi pa—pa nshita itali nganshi.

¹⁷ Rhonda, Rhonda Renee. Ndesunguka nga kuti waisa kuli ine, Rhonda? Nala—nalakubweshwa ili line kuli ba noko, ili line nga twakupela kuli Shikulu Yesu. Nomba, bushe ena te musuma!

Nomba natukontamike imitwe yesu.

¹⁸ Shifwe uwa mu Mulu, ilyo Wenu umukalamba pamona ine natwiminina capamo muno bushiku, mukusuminishanya kabili mucumfwano mu Mbila nsuma, uyu mayo aleta uyu umunono Rhonda Renee kuli Imwe ku kushishiwa. Imwe na mubika kena mu maboko yakwe, ku kusakamana, kabili cintu cakubalilapo ena engacita caba ukumupela ukumubwekesha kuli Imwe. Nge fyoyobo asele uwa kale, Shikulu alapela ifi fintu. Kabili tulepepa, Lesa, ukutila Imwe mwala musunga bwino mpaka ora ilyo Imwe mukamusenda. Kabili, Lesa, peleni ukutila wene ali no kwikala ubumi bwa Mwinakristu ubwine bwine no kube cilangililo kuli bambi, ilyo alekula. Paleni inga'nda yakwe, kabili yena ibe iyashishiwa kuli Imwe, umulimo onse, ne mitima ya cishinka. Kabili nomba, Lesa, tulepela kuli Imwe umunono Rhonda Renee Coats, mwi Shina lyakwa Yesu Kristu, ku bumi bwa mulimo. Amen.

Umusuma nganshi! Lesa akupale, nkashi.

¹⁹ Uli shani! [Nkashi atila, "Robert Paul Shammel."] Robert Paul Shane? ["Shammel."—Ka.] Shammel.

²⁰ Cisuma, nga cakutila... Kabili ucili ngo mwaice nomba, nshiletontankanya kuti waleta ifikansa ifingi palwa cena. Wilansekela ifyo. Lolekesha kuno, ngo lefwaya icintu cimo ica kusekapo. Robert Paul, ifyo lyaba ishina ilisuma!

Natukontamike imitwe yesu.

²¹ Lesa, ilyo uyu mukashana umunono aleisa kuno; ukuba fye, kuli ifwe, kuti aba umwana. Kabili wene alepela umulumendo wakwe munono, Mwe Lesa, ngo bumi ubwa mulimo kuli Imwe. Cena cisabo ne fya citika ku kwampana kwabo. Ndepepa, Lesa, ngo Wenu mukalamba pamo na ine ukubika indupi pali uyu muntu umunono, ukutila ubumi bwakwe buli no kushishiwa kuli Imwe. Peleni, Shikulu, nga kukaba mailo, lekeni asende Imbila iyo abakwe—abafyashi bakwe baleumfwako, Lesa. Peleni cena. Kabili ndepepa ukutila Imwe mwalapala amayanda yabo, kabili lekeni umwana umunono akakushiwa mu kukonkomeshiwa kwa kwa Lesa, kabili akaba u—uwa temwikwa umusambi Wenu. Tulepela wene kuli Imwe mwi Shina lyakwa Yesu Kristu. Amen.

²² Cisuma, ena—ena mulumendo fye umu musuma. Epela fye. Ee, mukwai. Tekuti njipushe pa cintu cimo icawamisha, imwe kuti mwacita? Takwaba icintu mwi sonde ico caba icawamisha, cilya cishinka, ukucila ulyo mulumendo umunono. Konse ukumwentula! Cilya cisuma? [Ulukuta lwatila, "Ameni."—Ka.]

²³ Ilya ni nshita imo iyo umukashi wandi akumbwa incito yandi, ukwikata tulyo tunya. Wene alitemwa ukutwikata.

Kabili ndacita, na ine, lelo ine lyonse ndomfwa umwenso ndi no kutukontaula. Efyo bena baba, namwishiba, abaemba nganshi kabili abamoneka abanakilila, lelo, namwishiba, bena baba—bena baba abakosa nganshi ukucila ifyo twingaba.

²⁴ Nomba, na cimweba naciba no kufuma . . . Cisuma, nkweze fye ama miniti amakumi yatatu na fisano. Ningile ukwangufyanya, ine nshacite? Natumone. Ine—ine—nshilepilibula uku—ukupingula mucilubo icintu icili conse, atemwa ukusosa icintu icili conse mukuluba, lelo nalaesha na maka nganshi, pantu . . . Namwishiba, panuma ilyo twaisa mulya mu—mu musebo, ifwe tatwaba—ifwe tatwabafye fye abacincila nge fyo twali, namwishiba. Ba mailoshi inshita shimo balakalabana, kabili kubili atemwa ukulongana kutatu akasuba, cinshi . . .

²⁵ Kabili cinshi cicita iciputulwa icikankala, ni filya ifimonwa. Ukushimikila ta kung'ufwisha ububi. Mwe, kuti naiminina kuno akasuba konse, kabili tacincusha ine, lelo ine . . . Kano fye filye fimonwa, nali lilya ilyo abantu bali pali ifi fya kulanshanya, cilya eco balingile ukukwata. Mwamona? Cilya eco babelele kuno. Cena cintu cimo ico cishingapwishiwa pa kubika fye indupi. Cena cilingile ukwishiba umushila, intendekelo ya cena, icilenga cena, ico cacicitile, kabili elyo ifya kucita ukufuma muli cena. Cilya eco babelele muno.

²⁶ Nomba, ukulongana kuletampa, akasuba panuma ya nshita ya kasuba mailo . . . atemwa, iyo, mu njeleleko, cena ni pali Citatu ubushiku, ku Shreveport, Louisiana. Kabili nga umo uwa muli imwe nakwata ifibusa ukushinguluka kulya, cinshi, mukabebe bakese kulya. Life Tabernacle, ndetontokanya, eko kwena—kwena kuletampila, kano fye ku kaye mucikulwa, nga kuti bapoka cilya, ico cilebapela incende naimbi umwakwikala. Lelo na bakwata umuputule wa pa mulu, kabili no muputule ukalamba uwa panshi, kabili elyo umuputule pe samba lya ulya. E ico, nshishibe filya fine ni banga bengekalka, lelo cena cili i . . . Nga cabipa nganshi, nalimo ifwe kuti kwasenda icikulwa cikalamba kuciluka fye ukufuma kuli cena, ico cili . . . Nshishibe ni banga abekala muli cena, namo. Nalikwete ukulongana kulya, lelo nshileibukisha. Uyu mu—musonkano wa pa mwaka.

²⁷ Imyaka yapitapo itatu nali kulya, kabili twalitendeke ukupuputulwa, mwi Shina lyakwa Shikulu, kabili kwena takwatala ukupwa, ukutula lilya. Kuletwalilila fye ukuya pantanshi, lyonse fye; cila bushiku, abantu ukwisamo, ukupusushiwa, ukubatishiwa, kabili no kulaya na Shikulu nga filya, bakapyunga ne fintu fyonse ukulaisamo fye. Kabili ifwe fye . . . Ilyo lyonse kuletwalilila nga filya, kabili ndi no kwikala kuno, ndefwaya ukutandalila kwena inshita fye yonse, no kubikamo ifyebo fyandi ifinono no—no kutwalilila fye.

²⁸ Nomba, kulya kuli no kutendeka pali Citatu, no kupwa pa Mulungu. Icakulya ca lucelo ca Baume Abenakristu Bashimakwebo cikaba . . . Nshile cita . . . nindabako ishina ya ilya hotel . . . Ndecetekela yena ni . . . lileitwa . . . Bena, bena bali no kumweba ilyo mukafika kulya. Cena cakulya ca lucelo ca baume bashimakwebo.

²⁹ Twalikwete nshita ikalamba kulya, kuli imwe bashimakwebo kuno, inshita yakulekelesha kulya. Shikulu apuswishe ra—rabbi, ukufuma mu musambo. Kabili, owe, nshaishiba ifyo fyonse fyacitike, Yali ni nshita ikalamba muli Shikulu, kulya, ukushimikila pa Mulopa wa Cipangano. E ico ifwe . . . Cilya eco abaYuda baishibapo; cena mulopa. “Ukwabula kusumya kwa mulopa, takwaba ukulekelelwa,” mulemona.

³⁰ Nomba natuye fye ukutonta fye ku Cebo, kabili nalacita icisuma ninga cita ku kusunga icebo candi kuli imwe.

³¹ Kabili nomba, nga Shikulu asuminisha nomba, pa Mulungu panuma ya Krishimishi, nga mukaba pa cuti cenu no kulapitana, takuli ukwatelela kabili ifintu fyonse, cinshi, imwe—imwe muli mupepi na kuno, cinshi, mukese. Kabili ifwe tulefwaya ukukwata ukulongana kuno pa Mulungu ulucelo, pa—pa—pa Mulungu panuma ya Krishimishi. Bushiku nshi lilya? [Umo atila, “Amakumi yabili na pabula.”—Ka.] Amakumi yabili na pa bula, ubushiku bwalenga amakumi yabili na pabula, kabili palya ni pa Mulungu panuma ya Krishimishi, ubushiku bwalenga amakumi yabili na pabula. Nomba, nge cintu icili conse cikacitika ico ifwe, icintu cimo, ifwe tatwakacite, kabili tekuti tube kuno . . . Ifwe tatwaishiba palwa ku ntanshi, namwishiba. Lelo nge cintu icili conse cacitika, cinshi, imwe mwebekala kunse ka musumba, mwe besa, nga bantu ukufuma kulya mu Memphis . . .

³² Nalefwaya ukumfwa Munyina Ungren ukwimba *Ifyo Mwaba Abakulu*. Kabili nshile . . . Bushe ena ali muno muno bushiku?

³³ Kabili, e ico, kabili ine lyonse nalikwata ifintu ifingi nganshi, teti nenge fyonse ukucitwa, teti nenge fyonse ukucitwa. Lesa amupale, mwe bantu.

³⁴ Nomba natupilibukile mu Malembo nomba pa ku—kunono fye ukubelenga kwa Malembo. Uko, nge fyebo fyandi fyafilwa, Ici tacakatale. Kabili lyena Lesa ali no kumupala pakwikala, pa mulandu fye wa kumfwa ku Cebo Cakwa. “Icitetekelo cisa mukumfwa, ukumfwa Icebo cakwa Lesa.” Bushe cilya cishinka? Nomba nge fyo nacilatontonkanya . . . Ilyo, mulepilibula kuli Yohane Washila icipandwa ca 6, no kutendeka na vesi ya 60, kabili ukubelenga i ya 71, na yena. Yohane Washila 6:60.

³⁵ Nomba nacilatontonkanya, ilyo nacilalolekesha pe windo akashita akapitapo panono, no kulolekesha ku kwingila kwa

kasuba no kumona ifyo ifya cifyalilwa fyonse fyalikwata ifunde. Kabili ilyo inshita ya mpepo yaisa, ifunde, icine ceka, ica cifyalilwa, cilatwala amenshi mu mishila ya cimuti. Yena ilashika.

³⁶ Nge fyo Yobo asosele, “Owe, nga Imwe kuti mwamfisa mu nshishi, ukutula Imwe kuti mwansunga mu ncende iyafisama mpaka ubukali Bwenu bukapite.” Kabili nombamba, cilya cili, “Nga Imwe kuti mwamfisa!” Mwamona, alimwene i—icifyalilwa, icimuti, ubumi ukuya mukati ka mishila; Munyina Way. “Kabili kulya ukwikala mpaka ubukali bwapita, kabili lyena mukanjite ukumbikile nshita.” Mwamona?

³⁷ Ifya cifyalilwa fyalikwata ifunde. Kwaliba ifunde ku fya cifyalilwa; takwaba ifunde nakalya ukushinguluka ukupita mumbali ya cena. Lyena lifunde lya cifyalilwa. Kabili lyena kwaliba ifunde lya mupashi; kwaliba, nakabili, takwaba inshila yakupitila mumbali ya cilya.

³⁸ Nacilalanda ku baupana mucungulo, palwa, imwe tekuti mupwishishishe umupwilapo icintu icili conse. Abantunse tekuti bapwishishishe. Bena kuti baonaula, lelo tekuti bapwishishe. Kabili umo muntu atile, “Cisuma, nga palwa kusenda no koca iciputulwa ce pepala, bushe cilya cilacipwishisha cena?” Iyo, mukwai. Cena conaula fye imiti ukusalanganya, icikabilila ca mulilo. Cena cibwelela fye ku myela, fintu cali mukutendeka. Imwe tekuti mupwishishe. Kabili isonde nga likabapo inshita itali, ulya umwela umo wine, ulya kabili—kabili imiti iyali muli lilye pepala, kuti yaisa bwela nakabili no kwisaba iciputulwa ce pepala nakabili. Cilya ni filya fine. Imwe teti mupwishishe. Filya fine.

³⁹ Lesa, kanshi. Nga kwalibako ukubuka ku fintu fyonse, ukubwela nakabili, kabili ukwabula ukupwishishisha, kwaba ukubuka kwabalungami, ee, kabili tulingile ukwisabwela. Cilya fye ceka e cabako kuli cena. Takwaba inshila nakalya iya kucicitilamo. Te mulandu nangu mukapye, nga mwalinwene, conse ico icilectika, bena tekuti bapwishishe.

⁴⁰ Ibukisheni fye ukutula icilundwa cenu conse cali pano, ilyo Lesa alandile isonde mu kumonekela. Ena abikile umubili wenu pano lilya line. Kabili takuli nangu cimo icinga bufumyapo kano fye Lesa. Cena conse cabwelela mu maboko Yakwe nakabili. Mwamona? Kabili Ena e Ulya—e Ulya, ka—Kalenga, e Ulya uwapele ubulayo, e ico tuli abashininkisha ukutula kuli Umweo uwa Muyayaya. Kabili natukwata icishininkisho mu mitima yesu nombamba, ukutula nombamba natukwata Umweo uwa Muyayaya, Umweo wa Muyayaya uyo ushingafwa, muli ifwe nombamba. Cisuma.

⁴¹ Yohane Washila 6. Lekeni tutendeke nombamba ne cipandwa ca 6 ca Yohane Washila, no kutendeka na verse ya 60.

E ico abengi pa basambi bakwe, ilyo baumfwile, baumfwile ici, batile, Icebo ici cayafya; nani uwingacumfwa?

Na Yesu pakwishiba...mu nda yakwe ukuti abasambi bakwe balenqwi'nta ici, atile kuli bene, Bushe ici cilemupuntwinsha?

Nga...kanshi cileba shani nga mwamona Umwana wa muntu alenina aleya ukuntu ali kale?

Caba—caba ni...umupashi e ulengo ukuba no mweo; umubili tekuti uwafwe nakalya: ifyebo ifyo nalanda kuli imwe, mupashi (ulya ni Wene), kabili mweo. (Finshi ifyo Asosele? “Nine Cine, Umweo.”)...fyena mupashi,...fyena mweo.

Lelo bamo ba muli imwe bantu abashitetekela. Pantu Yesu aishibe ukufuma ku kutendeka abali abashitetekela, no untu aka mufutuka.

Kabili atile, Pa mulandu wa ici e co nsosela kuli imwe, nati takuli uwingesa kuli ine, kano fye apelwa fye kuli Tata.

Kabili ukufuma lilya abengi aba mubasambi bakwe bafumineko baile kunuma, tabaendele nankwe kabili. (“Insoselo iyakosa,” mwamona, ena tekuti asumine cena.)

E ico Yesu atile kube kumi na babili, Bushe na imwe mulefwaya ukuya?

Simon Petro ali mwaswike, Mwe Shikulu, Ni kuli ani twingaya? Imwe muli ne fyebo fya mweo uwa muyayaya.

Kabili ifwe twatetekela no kwishiba ukuti ni mwe Kristu, Umwana wakwa Lesa uwa mweo. (Mwe!)

Yesu alimwaswike wene, Bushe nshasalile imwe abekumi limo na babili, na muli imwe umo ni kasebanya?

Asosele Yuda Escariote mwana Simon: pantu wene e wa sungamino kumufutuka, nao ali we kumi na babili.

⁴² Nomba, nga kuti naite li sambililo ilya ino nshita ya bushiku, no kwesha mubusuma bwandi ukulenga ilya ora ya hafu ukupendwa, ndefwaya ukulanda pali: *Imisango Itatu Iya Bacetekela.*

⁴³ Kabili ine lyonse nalilanda amashiwi. Kabili natontonkenye, “Cisuma, ndi no kucetekela fye nkashimikila pali lyena inshita imo, muno cungulo.” Natontonkenye cilya.

⁴⁴ Ica, ntanshi, caba abacetekela, abaitunga ukucetekela, na bashacetekela. Nomba, lilya eline line i...kabili imwe... isambililo. Lelo, nga mucine nge fyo twikele muno bushiku,

lilye bumba lyaba lyonse ililongana capamo. Uko konse uko abantu balongana, ifwe tulasanga ili bumba, kabili lyonse tulabasanga, kabili ifwe nalimo lyonse tuli no kubakwata bena mpaka Ukwisa kwa kwa Shikulu. Kabili ndefwaya ifwe, muno bushiku, ukuimona fwebene, ilyo ndelanda pali aya mabumba yatatu, no kumona li bumba nshi ilyo twabamo.

⁴⁵ Nomba ibukisheni, ndesosa kuno kuli nalimo...Luno lukuta, nalwisula nakabili muno bushiku ukushinguluka, kabili ifibumba no mwakupita, lelo nakabili ndelanda kushinguluka isonde. Mwamona? Mu fiputulwa fyonse ifye sonde, aya ma tepu yalapitamo, bukapyunga bwapa ma tepu.

⁴⁶ Nomba ndefwaya ukulanda pa misango itatu iya bacetekela nomba. Nomba ibukisheni, *abacetekela*, isambililo lyandi lili *abacetekela*. Umo muli bena aba uwacetekela uwa cine, kabili umbi untu aitunga ukucetekela, kabili umbi aba ushacetekela. Mwamona?

⁴⁷ Nomba, ibumba lya kubalilapo ilyo twingatemwa ukulandapo, ni ulya uwacetekela. Pantu, ndetontonkanya ena alingile ukuba uwa ntanshi, pantu ena e ulya mucine uucetekela, nomba, acetekela ngefyo abasambi bacetekele apa. Ifwe twalabomfya ukubelenga kwa aya Malembo nge cilangililo. Nomba, uwa ntanshi aba uwacetekela, abacetekela abene bene. “Kabili icitetekelo cisa mukumfwa, ukumfwa kwa Cebo cakwa Lesa,” Icebo cakwa Lesa, ico cili ni Kristu. Mwamona, abacetekela!

⁴⁸ Nomba, bushe mwalimona iyi nsoselo ikalamba iyo uyu wacetekela alandile? Nomba, uwa cetekela talingile ukuba umuntu uwa cenjela mu musango uwe sonde uwa kuba uwacenjela. Ena talingile ukuba umuntu uwasambilila mu musango uo aba abantu besha uku—ukusosa ukutila ulingile ukuba; lelo imwe ta mucita. Imwe...Uyu muntu uyo uwalandile aya mashiwi, Baibele Iyine itila ukuti ena ali fyonse fibili “umututu” kabili “ushasambilila.” Petro, ena tatontonkanishiwe mucine umuntu uwa mano.

⁴⁹ Muli Esaya 35, itila, “Kukaba inshila ya cinkwete, kabili ne nshila, kabili yena ikalaitwa, ‘Inshila ya mushilo.’ Abakowela tabakende muli yena.”

⁵⁰ Nacilalanda kuli umu uwa ba dikoni mu kasuba, ilyo twalelanda palwa milalo ukuciluka ukucilinganya, kabili ubu bumo bupya. Natile, “Kwaba ama bulalo ayengi ukuciluka pa menshi ayengi, ifishiba ilelo.” Kabili natile, “Lelo kwaliba ubulalo bumo ubukalamba ubo bwafuma pe sonde ukuya ku Bukata, bwena buletwa, ‘inshila ya cinkwete ya Mfumu.’ Abakowela tabakapite pali bwena.” Cilya cishinka. Cena mu—musebo uyo wakulwa na Kristu Shikulwifwe, ukutantalisha uko kwapangwa ukufuma pali ili sonde ukuya ku Mpanga imbi, kabili abakowela tabapita pali wena.

⁵¹ Petro, uyu muntu ushasambilila, palwa i... ukwiminina mupepi, ilyo ena amwene icapwililika i—icashininkishiwa Icebo ca bulya bushiku, ico Lesa alaile muli bulya bushiku ukutila kukaba Umo ukema uyo ukaba ka—Kasesema pakati kabo. Kabili Simon ali uwakosa ukucetekela cena, pantu kwaliko bakapashanya abengi nganshi aba Cena. Lelo ilyo amwene ica cine cine, ica fungululwa Icebo ca ilya nshita, no kumfwa Wene ukushininkisha Wene bwino bwino, ena—ena ali mucine cine uwashininwa Ifyo Ena ali. Kabili ena ali ni umo, uwasosele, “Shikulu, ni kwisa uko twingaya?” Ilyo ena aipushiwe.

⁵² Ilyo a—amabumba yalepatukana, pakati ka bacetekela, na bashacetekela, na baitunga ukucetekela, kwali bonse batatu ukwiminina kulya kwine muli lilye bumba limo ilya bantu; abacetekela, abaitunga kucetekela, na bashacetekela, ukusangwa fye muli cino cine icipandwa apa pene. Kabili pantu ukutila Yesu asosele Fyebo umusango Ena acitile, cena calipatwile ulukuta Lwakwe. Lelo cena cilingile ukucitwa.

⁵³ Ena ali muntu umukalamba ilyo lyonse ilyo Ena aundepe abalwele, lelo ilyo cena caishile kwi Sambilisho kabili no busesemo, cilya e capatwile u—imisungu ukufuma ku ngano. Mwamona? Imisungu ibafye ukushinguluka ingano. Yena te ngano. Yena tekuti ibomfeshiwe. Tamwaba nangu cimo muli yena. Ta mwaba Ubumi muli yena. Yena fikapa, kabili yena tekuti ikale pamo ne ngano. Yena teti ibe impyani pamo ne ngano. Kabili e ico yena naikwata... Uluseke fye lweka elo tulelandapo, umutima wa luseke lwa ngano.

⁵⁴ Nomba moneni, Petro ali uwashininwa ukutila ulya ali ni Mesaya. Nomba, tacapangile ubupusano ubuli bonse ifyo bonse abashala basosele. Cena tacapangile ubupusano ubuli bonse ifyo bashimapepo basosele. Tacali ubwafya kuli Simon Petro ifyo lukuta lwasosele. Ena alishininwe umwine.

⁵⁵ Yesu ali mwebele, pa cifulo cimo uko Ena aipwishe, “Abantu batila Nine ani?”

⁵⁶ “Kabili bamo batila Nimwe ‘kasesema,’ kabili bamo batila Nimwe ‘umo uwabakasesema aba kale na buka,’ kabili—kabili Nimwe ‘Mose,’ atemwa ‘Eliya,’ atemwa umuntu umo.”

Atile, “Nacimipusha *imwe*. Cinshi ico muletontonkanya?”

⁵⁷ Kabili Petro atile, “Nimwe Kristu, Umwana wakwa Lesa uwa Mweo.”

⁵⁸ Atile, “Walishuka iwe, mwana Yona; Simon, mwana Yona; pantu umubili no mulopa tafisokolwele ici kuli iwe. Iwe tawasambilile cena ukufuma kwi buku, atemwa ukufuma ku cisumino, atemwa ukufuma kuli katikisim. Iwe... Tata, uyo uli mu Mulu, nasokolola ici kuli iwe.” Ulya palya uwacetekela umwine mwine; Ubusokololo ubwa bu mupashi ubwa Cebo.

Mwamona? Kabili pa-. . . “Niwe Simon, na pali ici cilibwe, pa busokololo bobbe pa fyo Ine Naba, Nkakula Ulukuta Lwandi, ne mpongolo sha kumbo tashakalwanshe lweni.” Mwamona?

E mulandu wine Simon atile, “Ni kuli ani twingaya?”

Yesu alipilibwike no kusosa, “Bushe mulefwaya ukuya na imwe?”

⁵⁹ Kabili batile, “Shikulu, nani uo ifwe, ni kwisa uko twingaya? Pantu, Imwe mweka mwalikwata Ifyebo fya Mweo. Ni mwe fye Mweka.”

⁶⁰ Pantu, takwete fye Ena Ifyebo fya Mweo, Ena ali Icebo ca Mweo. Mwamona, Ena ali Cebo ca Mweo, kabili Simon umupwilapo alishibe ici. Kabili ilyo aishibe cena, cilya ecalengele ukwikatilila kwakwe, pantu calisokolwelwe kuli wene ukutila Ena ali cilya Icebo ca Mweo.

⁶¹ Nomba, ulya e wacetekela umwine mwine, ilyo Mupashi wa Mushilo; tekupatikishiwa kumo ku muntu umbi, te ku cintu cimbi. Lelo ilyo Mupashi wa Mushilo asokolola kuli imwe Icebo Icebo, kabili mwamona Icebo ukuletwa palwalala, ukushininkishiwa; lyena Umupashi wakwa Lesa ulesa no kwingila muli ilya nshita, ku Cebo ca ilya nshita, no kucilenga ukumonekela.

⁶² Musango nshi muntu engacingililwa ukukana cetekela Luther nga ena alishibe cilya? Luther ali ni kalungamika. Umupashi wa muntu walile kulya ku kulungamika. Wesleye, umusango umo wine. Bena bali no kucetekela cena. Mwamona, ilya yali ni—ilya yali ni mbila ku nshita ya lukuta. Cilya cali ni filya fine ico cacitike. Cilya ecali no kucitika. Imwe mwali nokucetekela cena.

⁶³ Kabili ifwe tuli pano, ukuba ku Nshita ya Loadikea. Kabili twalisambilishiwa, mu Nshita ya Laodikea, kutila Kristu abikilwe kunge ka lukuta Lwakwe; kabili Ena alekonkonsha pa cibi, ukwasha ukwingila mukati. E ico ilyo twamona cilya ukucitika, ifwe natwishiba inshita iyo tuleikalamo.

⁶⁴ Kabili, lyena, ifwe tuli mukwisala ukwe lyashi lya kale ilye sonde. Ibuku lili mukupwishiwa nomba. Umushilwa wa kulekelesha ukalembwa ukucilinganya cena ubushiku bumo, kabili lyena likesalwa, lyena takwakabe nshita nakabili.

⁶⁵ Kabili kuliko ubwangalo bukalamba ubutantikwe. Kabili ba Malaika na beminina mulya mu myulu, ukulolekesha. Mwalishiba ifyo bwangalo bwaba. Bakangala bali abaiteyanya. Imwe kuti mwamona bena baleangala.

⁶⁶ Imwe kuti mwamona umubifi aleangala. Imwe kuti mwamona imitantikile ya bwangalo, ifyo Ena eshile mukumonekela no bucenjeshi bwakwe, ku kubepa.

⁶⁷ Lelo imwe na cimbi kuti mwamona Ulukuta lwasendwa ukuilenga Ulwine ukuiteyanya. Cena cikope cikalamba. Imwe

kuti mwamona Umulola wakwa Lesa ukushininkisha no kulenga ubu bwangalo bukalamba ubo bwalandilwe kabela muli iyi Baibele, ukuilangisha ubwine. Ifyo yaba inshita iyakwikalamo, inshita iyawamisha nganshi! Abantu aba nshita shonse balekabila ino nshita. Bakasesema abakale bale kabila ukumona ino nshita, lelo tabapelwe ishuko.

⁶⁸ Nomba, kwaliko uwacetekela. Pantu, ena alimwene cena. Ena acetekela cena. “Ifwe tuli abashininkisha nganshi ukutula Nimwe Kristu, Mesaya, Icebo cakwa Lesa ica buno bushiku, kabili twalicetekela cilya.” Mwamona, ulya ali uwacetekela umwine mwine.

⁶⁹ Leken i fye tusende na bambi abanono abacetekela, bwangu bwangu, i lyo tatulaya ku wa mibele umbi. Leken i tusende kasesema, Noah. I lyo ena, pa kuba nalimo umulimi, nalimo ena ali muli shilye nshiku, umulimi. Lelo i lyo bakasenteka naba kapepa aba bulya bushiku... Ulukuta lwaishileba ulwa kufilwa, kabili Lesa alandile kuli Noah, no kweba Noah ukutula alingile uku kula icibwato. Noah tatalile ukutalikishanya cilya na Lesa. Ena acetekela Cena, ukutula Cena cali Cebo cakwa Lesa, kabili atendeke ukubomba bwangu bwangu fye ukuteyanya ifintu.

⁷⁰ Ulya e wacetekela umwine mwine. Takuli ukukansana pali cena. I lyo imwe mwashininwa umupwilapo, cilya eco. Kwati fye uuli onse, icitetekelo icili conse, umusango uuli onse. “Icitetekelo cisa mukumfwa.” Nga imwe tekuti mwiminine kuno, te mulandu ifyo doctor alesosa ico cilubene na imwe! Icili, umuntu namishibisha ifyo amalwele yali, kabili nalimo naishiba fye ifyo ena alelandapo, ukulingana nge fyo ifibombelo fyakwe no kwishiba kwakwe kuli no kumusuminisha ukwishiba, lelo ena atila takuli nangu cimo icisheleko kano imfwa. Lelo, imwe mwapepa, kabili ukwiminina kulya mu ntanshi kuti mwamona umwaume umutuntulu atemwa umwanakashi naiminina kulya. Ee, cilya eco. Kabili cilya ceka fye eco. Bena bakenda fye muli cilya abashininkisha fye nge cintu icili conse, pantu imwe mwalicetekela cena. Lesa nalanda cena. Imwe namwishiba ifyo cili.

⁷¹ Ngo mwanakashi umunono ukukola impwalonda, mwamona. Tamwali ukutwishika nangu kumo mu mano yakwe. Cilya cali no kucitika. Impwalonda yalifwile, kabili yalisunaike, kabili yaishilefuma. Mwamona? Cilya eco. Imwe mulacetekela cena.

⁷² Nga ulya tata uwaletetele aka mulumendo kakwe akanono, inshita yapitapo, mulya. Kabili ena ali muno mu cikulwa pa cifulo cimo nomba. Umulumendo umunono aliponene, no kulufya ukwibukisha kwakwe. Ena tekuti ebukishe nangu cimo. Mu nshita fye ishinono, panuma ya mapepo,

nacimwipusha ishina lyakwe. Kabili ena acinjeba imyaka yakufyalwa iyo akwata, kabili ulya aciba palya umutuntulu fye nge fyo umulumendo onse engaba. Mwamona? Bena balacetekela. Kabili ilyo Lesa asosa icintu icili conse, cena cilingile ukuba ulya musango.

Kabili Noah acetekela Lesa, kabili Noah atontonkanishiwe ukuba uwacetekela.

⁷³ Daniele, ilyo lukuta lwali mulya muli bunkole mu Babylon, Daniele acetekela Lesa. Kabili te mulandu ubwingi ifyo basosele, “Twalakwata ukubilisha. Bena tabakapepe ku mulungu umbi kano ici cimpashanya kunse kulya,” ica uyu muntu uwa mushilo, atemwa conse ifyo cingaba. Daniele taposeleko amano ayali yonse kuli cilya. Ena alyumfwile Lesa, pantu ena ali ni kasesema, kabili Icebo caishile kuli wene. Kabili ilyo tempile lyashishiwe, calilandilwe, “Ngo muntu uuli onse ali mubwafya mu calo icili conse, kabili alolekesha ulu lubali ukulola ku ncende ya mushilo, nokupepa, lyena umfweni ukufuma ku Mulu.” Kabili Daniele acetekela Lesa. Ena ali uwacetekela umwine mwine, kabili nangula ni nkalamo tekuti shimulye. Kabili cilya cishinka, mwamona, ena ali uwacetekela. Ena alikwete icintu cimo icituntulu kabili ica cine cine. Ena ali uwacetekela.

Dabidi, uwacetekela naumbi, umunono umulumendo uwalamba.

⁷⁴ Daniele tasendele imbali no lukuta ulupya, nangula ni Noah tasendele mbali no lukuta ulupya. Awe nakalya. Bena bali abacetekela mufyo Lesa asosele ukuba Icine. Te mulandu ifyo isonde lipya lyasosele, bena bacetekela ifyo Lesa asosele ukube Cine. Balya e bacetekela abacine.

⁷⁵ Musango fye umu wine nge fyo Petro acitile, kabili na batumwa, bena bacetekela ukutula Ena alikwete Cebo ca Mweo kabili ali Cebo ca Mweo. Nalicetekela icintu cimo cine ilelo. Kabili icintu cimbi icashala ukususha Cena caba icapusana, cena tacili, cena nimfwa. *Ici* ceka e Cebo ca Mweo, kabili Kristu e Cebo.

⁷⁶ Nomba, Dabidi, umulumendo wakalabana. Icakwambilapo, ena nalimo alisalilwe kuli ba munyina, pantu ena ali muntu umunono. Ena tali umukalamba uwalinga ukwimya icabulwi. Ena tekuti aye ku bulwi, kabili ali umunono nganshi kabili uwaonda. Kabili, nomba, ena aile kulya, ngo wacetekela.

⁷⁷ Kabili ilyo aikele kunuma kuciswebebe, kulolekesha i—ishinono impaanga isho ba wishi bamupele ukulolekeshapo, na kacisukushilo, mu calo umu mwali nkalamo naba bere na ba mumbwe, kabili na fimbipo. Dabidi atendeke ukulolekesha pa milemfwe iyalelema mucintelelwe, no kwishiba ifyo cena capilibwile ku mpaanga ukuya muli kalya kantelelwe, no

kulambalala mu kukaba kwa kasuba; alishibe ifyo ayasuma, ayatalala amenshi aya kunwa yapilibwile, nge fyo asosele, “Nge fyo inebula ilakila impito sha menshi, umweo wandi ukulakila Imwe, Mwe Lesa.” Mwamona? Ena ali bilikishe, alipepele.

⁷⁸ Kabili ubushiku bumo icakupumikisha calishile, inkalamo yaikete imo iya mpaanga shakwe, no kulaya. Ena atontonkenye, “Lesa uyo uwanengele ukuba uwapulishamo ku nkalamo!” Mwamona? Kabili asendele akacisukushilo no kuponya nkalamo panshi, ne libwe ilinono mukacisukushilo. Nomba, ngo uuli onse alitala ukumonapo inkalamo, imo iya shilye nkalamo mu Africa, inkalamo ishikalamba isha masako mu mukoshi isho bakwata kulya mu Palestine na Asia, bena kuti baishiba ifyo imo iya filya fintu yali. Ilyo, ikalamba ikulu imfuti ya magnum iya myanda itatu teti ipaye, kabili ena ali iwishishe panshi ne libwe. Kabili ilyo nkalamo yaishile ima ukumukonka, ena aliikete ku mwefu no kuipaya. Ulya e mulandu wine aishibe ico alelandapo; alikwete ukwishiba. Ena abikile Lesa pa kweshiwa, pa lwa Cebo Cakwe.

⁷⁹ Kabili ena—ena tatinine Goliati, pantu, ena ali ushasembululwa. Ena tali uwacetekela, nakalya; kabili ilyo Goliati aishileisa no kutipa wene mwi shina lya milungu yakwe.

⁸⁰ Kabili Goliati, imiku ingi ubukalamba ukucila ifyo ena ali; umukalamba umuntu umukulu, iminwe ya ma inch ikumi limo na fisano kuli wene. Nomba, iminwe kuti yaba *fiya* ubutali, mwamona, iminwe ama inchi ikumi limo na fisano, nkangalume. Kabili nalimo ikoti lya misomali ilyo ilyali pali wene, nalimo lyafinine ama pound imyanda itatu, atemwa ukucilapo, mwamona, ilyo ena afwele. Icisote, kabili icikalamba...nalimo icela inch na hafu ukutikama. Umukalamba umutulushi umukulu nga filya, ukwenda na—no no mulando wa kwa kapika wa nsalu iyo basosa ukutila yaba nalimo ama fiti amakumi yabili. Ena akwete umufwi amafutu amakumi yabili mu kuboko kwakwe. Nomba musango nshi umuntu umo... Umwaume nga ulya kuti aiminina fye no kwimya abaume ikumi limo na babili, no kubaposa nga *fiya*, ilyo baleisa. Ifyo kwaba kulwishanya!

⁸¹ Kabili ulya ali palya, ukwiminina palya, ukuitakisha umwine, ukuitakisha. Ilyo i...cilemoneka kwati tapabe icalacitika, mulemona, atile, “Lekeni...Tatulingile ukusumya umulopa.” Atile, “Lekeni—lekeni umwaume umo ese andwishe ine, kabili elyo nga nacimfya, lyena imwe bonse mwalaisa mubombele ine; kabili lyena nga—nga—nga imwe mwacimfya, lyena tuli no kubombela imwe.” Mwamona, ilyo ciwa atontonkanya tapali ifyo iwe uli, mwamona, lilya e lintu afwaya ukukwata ukutakisha kwakwe. Lelo akumenye

umwaume uwalubana. Ena akumenye umwaume umunono sana mucalo, umunono, uwa mapeya ayawa, umuntu uwalemoneka uwakalabana.

⁸² Atile, “Bushe mulepilibula ukunjeba, ukutila imwe, i—ifita fyakwa Lesa wa mweo, mwalaiminina uko no kuleka ulya umwina Peleshite ushasembulwa ukwebaula ifita fyakwa Lesa uwa mweo?” Cinshi, ena alitenshiwe pali cena! Mulandu nshi? Mulandu nshi? Ena ali uwacetekela. Bambi bali abaitunga ukucetekela. Mwamona? Mwamona, ena ali uwacetekela umwine mwine. Atile, “Nga muli no mwenso, nalaya mulwisha.” Mwamona? Ifyo kwali ukushinina ku mulumendo umunono nga ulya! Kabili e ico ena ali uwacetekela, kabili ena acitile filya fine fye ifyo aishibe ukutila Lesa akacita. Ena ali . . .

⁸³ Ilyo ulya umwina Peleshite ushasembulwa amutipile mwi shina lya milungu yakwe, atile, “Bushe ndi mbwa; akacepesha akanono akamwana akaonda ukwisa nga filya? Cinshi,” atile, “Nalakwimya ku mpela ya mufwi wandi, kabili nala kukobeka kulya mu cimuti no kuleka ifyuni filye umubili obe.” Owe, mwe! Owe, ifyo ali umuntu uwabipa!

⁸⁴ Dabidi atile, “Ulenkumanya no lupanga no mufwi, ne cabulwi. Iwe ulenkumanya mwi shina lya mwina Peleshite. Lelo, ndekukumanya ukwabula lupanga nangu umufwi, icabulwi, lelo ndeku kumanya mwi Shina lyakwa Shikulu Lesa wakwa Israele.”

⁸⁵ Mwacimone co. Ulya e wacetekela. Cilya e cubo cakwe. Ilya enkwela yakwe. Bulya bucingo bwakwe. Ameni! Cilya cilingile ukuba ubucingo bwa Lukuta. Uwacetekela uuli onse, bulya e bucingo Bwakwe. Te mulandu ifinga citika, ifyo isonde lilesosa, icintu icili conse icashala, ukucingililwa kobe ni Shikulu Lesa wakwa Israele. Cilya eco. “Ishina lyakwa Yesu Kristu lupungu lwa kosa, abalungami balabutukila muli lwena kabili balacingililwa.” Bulya e bucingo bwesu, ni Yesu Kristu.

⁸⁶ Moneni, kabili ilyo caishile fikilishiwa, twalishiba ico cacitike. Dabidi, takwete nangu pamo apa kuma kano fye ilya imo incende inono ilyo ena afumisheko icakwe—icakwe—icakufimba pa menso yakwe. Incende imo iya kuma cali palya pene pa mpumi yakwe. Kabili ilyo talapalama ku—ku mutulushi, Lesa atungulwile icishilwa ca kwipayaya, kabili ali peya umutulushi. Mwamona? Lesa alicicitile. Nomba, ifwe tulemona ena ali uwacetekela.

⁸⁷ Nomba, uwacetekela umbi ali ni Abraham, kabili ena ali uwa i . . . umwina Kaudi uwa mu musumba wa Ur. Kabili ena alitilwe pa kucite cintu cimo ico cali . . . kabili ukucetekela icintu cimo ico cali umupwilapo, ku mubili icishinga citwa. “Lelo ena tatenshiwe ku bulayo bwakwa Lesa mukukana cetekela,” eflyo Abena Roma 4 isosa, “lelo ali uwa kosa, ukupela amalumbo kuli Lesa.”

⁸⁸ Ilyo Abraham ali ne myaka ya kufyalwa cinelubali na fisano, kabili umukashi wakwe imyaka ya kufyalwa amakumi mutanda na fisano, kabili baleikala capamo ukutula ilyo bali abalumendo. Ena ali mufyala wakwe; umulumendo wa caice no mukashana wa caice. Kabili cilya cali, bena balikele capamo, ukwabula umwana nangu umo nakalya. Kabili Lesa aebele Abraham, “Ipatule we mwine ukufuma ku bashacetekela.” Lesa lyonse aleta ukufuma, ukupatula. “Ipatule we mwine ukufuma ku bashacetekela no kwenda na Ine, kabili ni nkucita ukuba wishi wa nko ishingwi. Ine ni ncicita kale cena.”

⁸⁹ Kabili Abraham acetekela cena. Ulya e wacetekela. “Musango nshi muli no kucicita, Shikulu?” Ena tatalile ukwipusha ilipusho. Lesa atile Ena akacicita kabili cilya e capwishishe cena.

⁹⁰ Ilyo mweshi wa kubalilapo wapitile, kabili Sarah ali filya fine... Wene alilekele kuya ku mpepo. “Icintu icili conse icapusana?”

“Tapali nangu kamo.”

⁹¹ Lelo Abraham nalyo line acetekela cena. Imyaka amakumi yabili na fisano panuma, kulya takwali nalyo line ubupusano, lelo Abraham nalyo line acetekela cena. Ulya e wacetekela. Ulya tewaitunga ukucetekela. Ulya e wacetekela. Imyaka amakumi yabili na fisano panuma, Abraham ali uwakosa ukucila ifyo ali pa kutendeka. “Ena acetekela Lesa, kabili cena calingilwe kuli wene ukuba ubulungami.” Pantu ena ace... Ulya e wacetekela uwacine

⁹² Nomba, panuma yakashita nalamuleka imwe ukufwaya no kumona li bumba nshi ilyo mwabamo.

⁹³ Nomba ni cinshi ico Abraham acitile? “Tatenshiwe ku bulayo bwakwa Lesa,” ifishinga citwa.

⁹⁴ Cinshi ico muntu ne myaka yakufyalwa amakumi cinelubali na fisano, no mukashi wa myaka ya kufyalwa amakumi mutanda na fisano, benga cita, nga balile kuli doctor no kusosa, “Tulefwaya tukwate ukuteyanya, icipatala. Ifwe tulino kukwata akanya?” Kabili elyo, imyaka amakumi yabili na fisano panuma, atile, “Doc, iwe ucili walisula icipatala?” Mwamona? Mwamona?

⁹⁵ Cilakulenga iwe ukuba uwakusekesha. Amapange yobe yaliibela, kwi sonde. Lelo cena untu wacetekela, te mulandu ifyo cilemoneka iceni, Baibele itila, ukuti, “Ena ali uwashininkisha ukutula Lesa ali uwalinga ukubomba ifyo Ena asosele ukuti Ena akacita.”

⁹⁶ Kulya kulingile kwaba mukubomba kwawacetekela onse muno cungulo. Lesa ali uwalinga ukusunga Icebo conse ico Ena asosele ukuti Ena akacita. Nshilesakamana ifyo

ifilonganino fisosa, ne fyebo, “Inshiku sha fisungusho shalipita, kabili fyonse fi kulingulula amano na fyonse, cena caba kubuka. Cena cili...” Tacisakamika kuli ine ifyo balesosa. Ncili ndecetekela. Nga ilye mfuti naitontwa pa cakulasa, yena ili no kulasa pacakulasapo. Kabili ndecetekela ngo wacetekala ali uwaikashiwa ne Cebo cakwa Lesa, cena cili no kupuma icintu cimo cine. Nge Cebo cakwa Lesa calitala ukulaya cena, cena cili no kucicita nakabili. Ndi uwashininkisha nganshi palwa cilya. Ukuti, ilyo tulemona ukutila tuli muli iyi nshita ilyo yena ilingile ukuba pano, yena ilingile ukuba pano. Ifi fintu filingile ukucitika.

⁹⁷ Ulya e mulandu wine nacetekela ukutila ilyo ulya Nabwinga aketwa no kusalwa, no kutantikwa mwi Buku Iya Mweo, kukesaisa iciunda ukufuma ku Mulu ico cikapela ulubatisho lwa filya ulwa Mupashi wa Mushilo muli ulya Nabwinga ico cikafumya Wene ukufuma pe sonde, mu nkumbu sha Kusendwa. Lesa alaile cena. Nshilesakamana ni banga aba science, kabili ni banga aba astronaut bali lembele, kabili ifintu fyashala, kabili ni banga ba million ba bamailoshi bengamona; nshilesakama palwa cilya. Kwaliba Umulu, kabili kwaba na Yesu Kristu umutuntulu Kulya uyo ukesa mu musango wa mubili ukupokelela Ulukuta Lwakwe ku Mwine. Te mulandu ifyo ilyashi limoneka ukuba ilya kale, cena cicili Cine. Lesa eflyo asosa. Cilya eco—cilya eco abacetekela batetekela.

⁹⁸ Lesa atile, “Nine Yehoba ne undapa amalwele yenu yonse. Nine Lesa kabili nshiteluka.” Ameni! Kabili Lesa aba Cebo. Kabili nga Lesa tateluka, musango nshi Icebo cingateluka? Mwamona? “Nine Lesa, kabili nshiteluka.” Amalembo yalasosa cilya. Lesa alisosele cilya, Umwine. Kabili nga Ena tekuti ateluke, lyena Ena e Cebo. “Mukutendeka mwali Cebo, kabili ne Cebo cali pamo na Lesa, kabili Cebo ali ni Lesa.” Icebo icishipilibuka! “Kabili Cebo calengelwe ubuntunse, no kwikala mukati kesu.” Ameni! Ee, mukwai.

⁹⁹ Lesa aimishe imibili, ukupita fye monse; Mose, na Esekiele, na Yeremia, na Esaya, na Eliya, ukupita monse, uko Icebo Cakwe caishile mukukana pwililika. Lelo Icebo icituntulu calengelwe ukumonekela muli uyu Muntu Yesu Kristu. Icili, Ena ali ni Lesa mu i—Lesu mu mwisulo wa mutwe wa Bulesa mu mubili. Ulya Ali palya ukulengwa mu mubili. Nalicetekela cilya, Icebo conse.

Yobo, uwacetekela umbi.

¹⁰⁰ Inshita shimo, abacetekela ukweshiwa. Te nshita shimo; cila nshita! “Pantu umwana onse uwisa kuli Lesa alingile ukufopaulwa, ukweshiwa, ukusambilishiwa kwa mwana.” Ibukisheni, amesho, imisebo ya lukungu, akasuba akakaba akakupakaswa, lelo bucishinka bwa mutima wenu kutuntula

filya ifya kubomfya mpaka wene aba uwaiteyanya ukwingila mucikombola. Abana bakwa Lesa balipangwa bwino bwino pa Cebo Cakwa, pantu bena filangililo ifya mweo, kabili Icebo cakwa Lesa ukwikala ukupitila muli bena. Mwamona? Ubwesho bulesa muku mutensha imwe, ukumubika imwe pe samba nganshi, ukumona apo mulino kwiminina. Bena balyeshiwe, ukweshwa umwana onse uyo wisa kuli Lesa.

¹⁰¹ Yobo apitile mumesho na mukweshiwa. Abana bakwe balifumishiwe; ifintu fyonse ifyashala fyalisendelwe. Ba membala ba lukuta balishile, ukumupela umulandu uwakuba umubembu wa mubumfisolo, no kwesha ukusosa ifintu fyonse ukususha wene, lelo nomba ena tekuti omfwe ku cili conse ica cena. Ena alishibe ali kumenye ifyo Lesa afwaya. Ena alishibe takwali umulandu Satana ukweshwa ukumweshwa. Ena alishibe cali ni ciwa. Kabili ilyo lyonse ilyo Satana enga mulenga wene ukucetekela ukutula amalwele yakwe cali ni Lesa wakwe ukucicita, ena alicimfishe Yobo. Lelo ilyo Yobo inshita imo aikeshwe bulyo busokololo, ukutula tacali ni Lesa! Ena alepita fye mu mesho ku kumulenga wene icintu cimo. Cena tacali ni Lesa ukucicita. Cena cali ni Satana ukucicita.

¹⁰² Kabili icintu cimo cine ne lelo. Ena akesha ukumweba ukutula aya mesho ne fintu ni Lesa wenu ukweshwa ukubika ukupanikwa pali imwe. Te fyo caba. Iyo, mukwai. Ni Satana ulecita cilya, na Lesa ukusuminisha cena, ukumweshwa; ukulenga imwe ukumona nga mwaba—mwaba abakakwa kuli li sonde, ku masakamiko ya fye sonde, atemwa nga cakutula ifyuma fyenu fili mu Mulu. “Pantu uko konse ukuli ifyuma fyenu, na imwe bene muli kulya.” Cilya cishinka. Umutima wenu ni kulya uko filye fyuma fyenu fyaba.

¹⁰³ Yobo, ukweshiwa, nomba atile, “Ninjishiba Kalubula wandi wa mweo; ku nshiku sha kulekelesha Ena akeminina pe sonde. Nangula imititi ya nkanda yandi ikonaule umubili wandi . . .”

¹⁰⁴ Bushe na mumona? Imititi ya nkanda yali kale muli wene. Imititi ya nkanda ili muli imwe. Mulakakatikwa mu mbokoshi umwabula umwela nangu umu muli yena, atemwa nangu cibe fyo, lelo imititi ya nkanda ili kale mulya. Ili fye mukati ka imwe, kabili yena yaba iyaiteyanya ku kwitwa ku mulimo panshita ili yonse. Ibukisheni Kaisare, ena abolele mulya mu musebo. Imititi ya nkanda yali mulile, mulya mwine mu musebo, imititi yakwe umwine. Yena ili kale umu, iyateyanishiwa.

¹⁰⁵ “Nangula imititi ya nkanda yandi ikonaule uyu mubili, nalyo line mu mubili wandi nkamona Lesa.” Ameni! Imwe tekuti mupwishishe cena. Nangu imititi ya nkanda ikaulye, wena nalyo line ukesabwela nakabili. “Uo nkaimwena ne mwine. Amenso yandi yakamona, kabili te umbi.” Alisosele

cena, Yobo. Cinshi? Ena ali uwacetekela. Mu mesho ena ali uwacetekela. Mukupakaswa, ali uwacetekela. Ena ali uwacetekela uwacine.

¹⁰⁶ Yosefe, uwacetekela umbi ena, tekuti akane ukuba ifyo ena ali. Ena ali ni kasesema. Lesa amulengele ukuba kasesema. Ena talefwaya ukuba uwapusana kuli ba munyina bakwe, lelo ali uwapusana. Lesa amulengele ifyo ena aba. Tapali umbi uwingasenda icifulo cakwe.

¹⁰⁷ Takuli nangu umo uwingasenda icifulo cobe, te mulandu ifyo waba umunono. Mwatila, “Ndi mukashi wa panga’nda.” Takuli uwingasenda icifulo cobe. Lesa, mubwikashi bwakwe ubukalamba, alitantika ifyo, Umubili wakwa Kristu, pakutila, mpaka takuli nangu umo uwingasenda icifulo cobe. Musango nshi ninga temwa ukusenda icifulo cakwa Billy Graham, uuli onse ifwe bakapyunga, lelo ifwe tekuti tucicite; lelo, ibukisheni fye, Billy tekuti asende icifulo cesu. Mwamona, ifwe bonse twalikwata icifulo, bamo muli ifwe ni bakabila wa mbila nsuna, bamo ni bakasesema, bamo bakasambilisha, bamo bakacema, fyonse ifyo twaba; bamo abakashi ba panga’nda, bamo bakalungisha, bamo abalimi, conse ifyo cili, Lesa ali mbuka imwe mucifulo cenu. Mwamona?

¹⁰⁸ Yosefe ali ni kasesema. Ena tapali ifyo engacita pantu ena kuti ailula ifiloto. Ena tapali ifyo engacita pantu ena alimwene ifimonwa. Lolekesheni ifyo ena ali uwacine. Te mulandu nga cali mupwishishe isenge lyakwe na ba munyina bakwe, ena ali uwacine, pantu ena acetekela filye filoto. Ena acetekela filya, iciloto ico ena akwete, ukutila bonse bena bakafukama kuli ena, imyashi ikacita. Caishile fikilishiwa pantu ena acetekela cena. Ena ali uwacetekela uwacine. Musango nshi. . .

¹⁰⁹ Ninkwata ama miniti yasano; na mabula ikumi, moneni nomba, moneni, pa Malembo ayalembelwe pano. Umwanakashi. . .

¹¹⁰ Nathaniele, ena ali uwacetekela. Bushe cilya cishinka? Nathaniele, ifyo amwene ico cacitike; kabili calibombele pali wene, ukutila Yesu ali mwebele ifyo ena ali, kabili ukusoso kutila ena ali—ali umwina “Israele icine cine,” kabili tamwali “nakabi” muli ena, kabili ali mwebele no ko ali ubushiku bwafumineko, “ukulapepa mwisamba lya cimuti.” Ali mumwene ena ilyo—ilyo Filipino talamwita. Ena ali uwacetekela.

¹¹¹ Kwali abengi abaiminine kulya, batile, “Uyu mupashi wakwa ciwa. Ciwa alacita ukundapwa kwa Bulesa.” Ulya ciwa uwa kale talafwa na nomba ilelo. Bena balacetekela ukutila ciwa alabomba ukundapwa kwa Bulesa.

¹¹² Yesu atile, “Nga Satana atamfya Satana, lyena ubufumu bwakwe bwalyakanikana, kabili ubufumu tekuti bwiminine.” Mwamona? Satana atile, mu i. . .Ena tekuti acicite. E ico, Satana tekuti atamfye Satana.

113 E ico Nathaniele ali uwacetekela. Kabili ilyo amwene Cebo ukulengwa umubili, ukushininkisha ukutila ena ali uwacetekela, atile, “Ni mwe Rabbi, Nimwe Kristu. Nimwe Mfumu yakwa Israele.” Ena alicicetekele.

114 Ilyo mwanakashi pa cishima amwene cena, ena ali cicetekele. Ena untu wacetekela.

Ilyo Batimeou mpofu. . . Ilyo mwanakashi aishile. . .

115 Kabili umuntu onse alelila, ukutwalilila. Bamo muli bena ukusosa, “Kuliko lyonse. . . Ndeumfwa Imwe mulemya abafwa. Kuliko inshishi iyaisulamo bena kulya lubali; iseni kuno mukubabusha. Lekeni tumumone imwe ukucicita.” Mwamona, ulya wine ciwa uyo wasosele, “Ngo Uli Mwana wakwa Lesa, eba aya mabwe ukusanguka umukate.” Umo wine uwabikile cisalu pa cinso Cakwe, ukuma Wene pa mutwe, batile. . . bapeleshenye inkoto, umo ku mubiye, batile, “Nomba, nga Walatweba nani ukumine Iwe, ifwe twalaku cetekela Iwe. “Balya bashilika, mwamona, ukulamusenteka Wene.” Camoneke kwati akapimfya ke kadi kali panshi, pali Wene.

116 Lelo ibukisheni fye, Lesa aba lyonse mukumonekela. Mwamona? Ena ali fye kulya uwaiteyanya, panshita ili yonse.

117 Nomba Yesu atile, “Kuti nalanda kuli Tata kabili ili line Ena kuti Antumina itulwe amakumi yabili na babili iya ba Malaika.” Owe, nga Malaika umo kuti acita cinshi? Mwamona? Lelo, mulemona, lelo Ena kuti atuma itulwe ikumi limo na babili pa cebo fye Cakwe. Lelo Ena alikwete umulimo ukucita. Alikwete ifyakucita. Ena ali no kupita muli filya.

118 Namukwata fimo ifya kucita. Lesa nakwata icintu cimo icakuti imwe mucite. Imwe limbi kuti mwakwata ukukalipwa kwa mutima na mafya yamo, imwe limbi kuti mwakwata fimo ifyakumupapusha, lelo bushe tulapepa ukufikana? Iyo. “Shikulu, mpishenimo muli fyena, fyonse fintu fili. Conse fintu cili, mwileka ine mbutuke fyena. Nga fyalintatikilwa ine, mpeni fye nkumbu ukupita muli cilya. Epela fye.”

119 Nomba moneni, Batimeyo impofu, alishibe cilya. Bena balibebele, “Uyu ni ulya Kasesema wa ku Galili. Ena Mwana wa kwa Dabidi. Ifwe twalicetekela cena.” Bamo abacetekela balingile bali mwebele cilya. “Ifwe fwe bacetekela twalishiba ukutila Ena ni i. . . ulya Mwana wakwa Dabidi.”

120 Kabili ena alishibe, nga Ena ali, Ena ali Cebo. Kabili nga ena alishibe Ena ali Cebo, alishibe Ena kuti alingulula amatontonkanyo ya mu mutima, e ico alibilikishe, “We Mwana Dabidi, mbelelo luse.” Abashacetekela balebilisha *ici*, na *cilya*, ba membala wa lukuta. Cilya tacaiminike Batimeyo impofu nakalya. Atile, “Mwe Yesu, Mwe Mwana Dabidi, mbeleleni uluse!”

¹²¹ Nalimo Ena tekuti amumfwe wene. Lelo Ena alishibe ukutila ena alebikisha, kabili Ena aliminine no kupilibuka. Ulya ali palya uwa cetekela. Atile, “Icitetekelo cobe na cikupususha.” Ameni.

¹²² Asosele cilya ku mwanakashi walesuma umulopa, icintu cimo cine, “icitetekelo cobe.”

¹²³ Pantu, alisosele mu mutima wakwe, “Nga kuti na kumya ilaya Lyakwe, ndi no kuba umutuntulu.”

“Icitetekelo cobe cakupususha. Mwamona, wene ali uwacetekela.

¹²⁴ Cilya cintu cimo cine ico capuswishe William Dauch, alikele palya, ubushiku bumbi, no kufilwa kwa mutima ukwapwililika, kabili ukwikatwa kwa mutima, umwaume ne myaka ya fyalwa amakumi pabula na cimo. “Icitetekelo cobe nacikupususha.” Cinshi? Ena ali cetekela.

¹²⁵ Reverend Tomy Kidd pano, nangula ukuya muyakwe...mupepi, ndemona, mulya mupepi ne myaka amakumi pabula nomba, iya kufyalwa, ukupalama kuli ena. Kabili ilyo ena ali ne myaka ya kufyalwa amakumi cinelubali na pa bula, bali mutwele ku cipatala ne mpwalonda mukunakuka. Doctor atile, “Ena takwete shuko.”

¹²⁶ Lelo ilyo twaingilemo lulyo lucelo, no kumona cilye cikolwe icinono ne nsalu nafimba amapeya yakwe, naikala palya, aleuma akankonto akanono, ali fye mupepi ngo ufulungene. Atile ku mwanakashi umukote uwaikela kulya, ena amwitile wene ba nakulu; ali beshibe, umo uwa ba membala bakwe pa myaka. Atile, “Iwe ulemoneka uwa buta nge mfula ya buta,” ukucila ukutontonkanya kwakwe mu mano.

¹²⁷ Nomba, ilyo Amaka yakwa Lesa yaikile mu cipinda, ena ali uwa mweo muno bushiku. Cilya cili nalimo imyaka ine iyapitapo. Umwaume mupepi ne myaka ya kufyalwa amakumi cinekonse konse, kabili pano naikala muno bushiku, ali fye bwino nganshi kabili umutuntulu, ukufuma ku mpwalonda. Mwamona, te waitunga ukucetekela; uwacetekela! Cilya e co, ukucetekela! Ena alasenda Lesa pa Cebo Cakwe.

¹²⁸ Cimo cine fye nge fyo impofu Batimeyo ali. Uwapofula, lelo nomba alishibe, nga ena kuti atemuna amatontonkanyo yakwa Yesu Kristu, ena kuti apoka ico alefwaya.

¹²⁹ Umwanakashi alishibe, nga wene kuti akumya ilaya Lyakwe, wene kuti apoka ico alefwaya—wene kuti apoka ico alefwaya.

¹³⁰ Tom alishibe. Ena alikwete citetekelo, nga kuti na mupepelako, ena kuti akwata ico alefwaya.

¹³¹ Bushe cilya te citetekelo cimo cine ico Malita asosele? “Nangula nomba, Shikulu, conse ico Imwe mwalomba Lesa,

Lesali ali no kumucitila cena Imwe. Munyinane nalala kulya, uwafwa, inshiku shine mu nshishi; lelo imwe lombeni fye Lesa, kabili Lesa alamucitila Cena imwe.”

Atile, “Ndume yobe akabuka nakabili.”

¹³² Kabili atile, “Ee, Shikulu, mu nshiku shakulekelesha, pa kubuka, ena akema. Ena ali mulumendo musuma.”

Atile, “Lelo nine kulyo kubuka no Mweo!”

“Ee, Shikulu, nalicetekela cilya, na ine.”

“Ni kwisa uko mu mushikile?” Cilya eco. Cena na cipwa. Ee, mukwai.

¹³³ Namfumu wa ku Kuso akesa muli ilya nkulo iya bashacetekela, cilya cishinka, nokwiminina kulya no kucetekela ifyo ena amwene ukuba ifyakwa Lesa. Baibele itila, “Wene akema mubushiku bwa kulekelesha, na ilya nkulo, no kuyebaula, pantu wene aishile ukufuma ku mpela ye sonde ku kumfwa amano yakwa Solomon.”

¹³⁴ Mose ali uwacetekela. Nangula ena alyeseshe mu mano, ena alyeseshe imibombebele yonse enga cita, lelo cena tacabombebele. Alyeseshe ukufumya Israele, alishibe ukutila ena alitilwe ukucicita. Alyeseshe nshila ya nsamushi. Ena alyeseshe inshila ya bushilika. Ena alyeseshe inshila ya masambililo. Ena alyeseshe inshila yonse, lelo cena tekuti cibombe. Lelo lyena ena asendele nshila yakwa Lesa.

¹³⁵ Cinshi ica citike? Kwaliko Umulilo pa cimpusa pa mulu palya, ubushiku bumo, uyo ushaleshima. Ukufuma kulya Icebo calandilwe kuli wene, kabili citile, “NABA.” Tacili, “Nali, napamo, Nkesaba.” “NABA.” Kabili Ena acili “NABA.” Ena e Cebo, uwa Muyayaya, Icebo ca muyayaya.

¹³⁶ Mose tatwishike. Amafya ukukanya wene, icifyalilwa conse ukukanya wene, ifintu fyonse ukukanya wene. Lelo, inkonto iyaongama mukuboko kwakwe, alile kulya no kuya pokolola inko yonse, nokuibisha muli Bemba Uwafwa kulya lubali, no kusenda Israele ku mpanga ya bulayo. Cinshi? Ena acetekela Lesa. Cisuma. Ena akwete i. . .

¹³⁷ Ulya e wacetekela. Ifwe kuti twaikala. . . Nomba ninjikala hafu wa ora pa bacetekela.

¹³⁸ Ninkwata amabumba na yambi yabili. Ifwe twalaangufyanya ukupita muli bena, pantu bena tabali abakankala, nangu cibe fyo. Iyo.

¹³⁹ Kanshi, ica bubili, kulya kwaisa nomba ushacetekela. Lekenitulande pa ushacetekela icilekonkapo. Ni cinshi ico ushacetekela acita?

¹⁴⁰ Tulemona uwa cetekela (cinshi?) alasumina Icebo; mutundu onse, inkulo yonse, ukufuma konse ukufuma kuli Noah, ukuya fye pantanshi. Ifwe kuti twasenda imyeshi mutanda iya

kupuputulwa pali cilya cine palya pene, ukuletelapo aba mibele. Bena balacetekela. Uwa cetekela te pusha. Uwacetekela alacetekela Cena, te mulandu ifyo cena cileumfwika atemwa ifyo muntu umbi uwashala alingile ukusosa pali cena. Ifyo Cena cilemoneka icishinga citwa.

¹⁴¹ Uwa cetekela ala cetekela Cena, acetekela (cinshi?) Icebo. Te cisumino; Icebo! Te cilonganino; Icebo! Te fyo muntu umbi alesosa; ifyo Icebo cilesosa! Nomba, ibukisheni, ulya untu wacetekela. Uwacetekela te pusha. Uwa cetekela tasosa, “Musango nshi cingaba? Nga kuti nakwata cena ukulondololwa!” Ulya ni ulya ushacetekela. Mwamona. Ni ulya uwacetekela, uyo, te mulandu ifyo Cena cili, “Nga Cena Cebo, Cena Cebo! Cilya cishinka.” Ulya ni ulya uwacetekela.

¹⁴² Nomba ushacetekela. Nomba tulemona ico cili...Ifwe twalasenda abashacetekela. Ifwe tulesanga ukutila balicitile fye bwino ilyo lyonse balebapampasha panuma no kwitwa abasambi. Ilyo lyonse ilyo (bena) ifintu fyonse fyaleenda fye bwino, bena bali fye bwino. Lelo ilyo uyu kasesema uo bacetekele ukuba kasesema, no kwishiba ali, uyo wingondapa abalwele, kabili nafimbipo, ni cinshi ico Ena acitile? Ilyo Icine icituntulu no kwebaula kwaishile, ukupusana kufyo bena bacetekele, bena tekuti basende Cebo.

¹⁴³ Bena kuti basenda fisungusho, kabili bena balibombele fyena. Bena balile kunse no kutamya ifiwa, bashimikile Cebo, kabili nalyo line abashacetekela. Mateo 10, Ena abatumine, babili babili, abe kumi cinelubali, kabili bena balitamfishe fiwa, icakutila Yesu alisansamwike, kabili atile, “Nimona Satana na wa nge nkuba ukufuma ku Mulu.”Mwamona, bena balatamfya ifiwa; Yuda pamo fye na bena. Aba baisa abashacetekela.

¹⁴⁴ Lelo lilya line fye ilyo Yesu atendeke ukusoso kutila Ena ali icintu cimo, ukutila Ena ali “ukubuka,” Ena ali “Umweo.” “Ni finshi ifyo mwingasosa nga mwalimwene Umwana wa muntu aya ku mulu uko Ena afumine?”

¹⁴⁵ “Nomba, uyu Muntu ukwasha ukusosa ukutila Ena afuma ku Mulu, cilya cacilamo kuli ifwe. Ifwe tekuti tucetekele Cena.”

¹⁴⁶ Atile, “Cena ni cinshi? Umubili uo mulelandapo, tawafwa kantu. Wene Mupashi uyo uleto mweo.”

¹⁴⁷ Mwacimone co. Umupashi ulaleta ku mweo Icebo. Wene Mupashi, tecisumino. Umupashi, uwa Mupashi wa Mushilo, ulaleta ku mweo Icebo kuli imwe, kabili cilaba ica mweo, kabili mwacimone co, mulecimona cena. Ku citetekelo mulamona cena. Mwalishiba cena caba ifyo pantu Icebo e fyo cisosa, kabili Umupashi ulaleta ku mweo Icebo kuli imwe. Mwacimone co.

148 Nomba Atile, “Ni cinshi co...” Kabili lilya line ilyo twacitile ci, tulesanga ukutila, abashacetekela, ilyo mwasosa icintu cimo ico bena tabasuminishanya na co, bali nokwisa fuma kuli imwe. “Ine teti ncite fye!” Owe, cilya na cikosa nganshi, mwi sonde ilelo. Tampeni nokusosa fye icintu cimo...

149 Bena balalongana. Ndamona mukulongana bena bali no kulonganamo, ama bumba ayakalamba, kabili imwe mwaiminina, mwatendeka ukusose cintu cimo. Nomba, ilyo lyonse... Kabili ena ali no kwikala kulya, ukulolekesha fye, ukulolela fye. Lyena ilyo line ilyo mwasosa, “Nomba, Yesu Kristu ailangishe Umwine nga Mesaya, pantu ukutila Ena ali ni Kasesema,” cilye cipe nacisula, kulya cileya. Umuntu umo... kabili kulya bena baleya. Cena ni cinshi? Abashacetekela!

150 Nomba mwatila, “Ulepanga fye ico.” Nshilecita. Ndesosa fye filya fine ifyo Baibele yasosa pano.

151 Bena bali abashacetekela, kabili baishilefumapo. Nangula bali abasambi, lelo cena—cena cali icapusana kuli cinshi... Bena batile, “Ici, nani uwinga cetekela icintu ca musango Ulya?” Mwamona? Bena bali ma Fariseo na ba Seduke abo abafumine, ukuilunda no kwenda pamo Nankwe.

152 Pantu, mwamona, ilyo i—ilyo cakupapusha calangishiwa, cilaleta imisango itatu iyapusana. Calicitile kulya mu Egypt. Caletete ushacetekela, uwacetekela, no waitunga ukucetekela. Cena calicitile ama bumba yonse yatatu. Ninemba fye pano, mpaka tuletwalilila fye no kutwalilila fye mu nshita ya bushiku, ukulondolola cena, ifyo cena caba. Ukuli konse, muli no kusanga cena, mulabamona balya batatu. Lyonse ulya musango, mwamona, imwe mulabasanga.

153 Nomba, lolekesheni, aba abekumi cinelubali, balifuminepo pantu Cena tacasuminishenye na filye fyo bacetekele ukuba ifyalungama.

154 Ifwe tatukwete itontonkanyo nangu limo ilileisa. Ni filya ifyo Ena asosele! Imwe mulekana amatontonkanyo yenu mwebene. Imwe musosa fye ifyo Ena asosa. Kulya e kulumbula kwa cine. *Ukulumbula* cipilibula “ukusosa icintu cimo cine.” Nga nalilumbwile ukutila icintu cimo calicitike, ndesosa icintu cimo cine ico cacitike. Efyo kulumbula kwa cine kwaba. “Kabili Ena ni Shimapepo mukalamba wa fyakulumbula fyesu.” Mwamona? Ukusosa icintu cimo cine ico Lesa asosa, mwamona, cilya cilacilenga ukuba icalungama. Pantu imwe mulebwekeshapo fye Icebo cakwa Lesa.

155 Nomba moneni, abekumi cine wbali balile. Ni finshi ifyo bacitile? Kabili bena—balile fye pantu ukutila—ukutila tabasuminishenye. Ayabo—ayabo—amano yabo, ukwabo—ukwampana kwabo kwa lukuta uko kwakwete cali—cali

cililemo. Cilya calicililemo nganshi kuli bena ukutontonkanya, ukutila uyu muntu ukwiminina kulya, ukutila i...Bonse abantu abashele bacetekele ukutila Ulya ali umwana wa mucani. “Ena takwete nsambu ukuita Umwine Lesa. Kabili Ena ali fye umuntu.” Batile, “Ifwe tatulekupola Iwe amabwe pa mulimo uusuma Iwe ulecita, lelo ifwe—ifwe tulepola Iwe amabwe pantu Iwe, pa kuba Umuntu, uleilenga we Mwine Lesa.”

¹⁵⁶ Kabili Cebo casosele ukutila Ena ali ni Lesa. “Ishina lyakwe likeninkwa ‘Cilolo,’ ‘Cilolo wa Mutende,’ ‘Lesa Impalume,’ ‘Wishi wa nshita pe.’” Amalemo yabo yene ayo babelengele!

¹⁵⁷ Kabili ubushiku bwine ubo baleimba Amalumbo, Amalumbo 22, “Lesa Wandu, Lesa Wandu, ninshi Imwe mwandekesha? Amafupa yandi yonse yalelokesha kuli Ine.” “Takwakabe fupa nangu limo ilikatobeka.” Ulwimbo lwine ulo balebwekeshapo mwi tempile, lilya palya Ilambo lyale bilikisha amashiwi yene ayo Dabidi asosele imyaka amakana cinekonse konse ilyo tacilacitika, kabili bali abapofula nganshi ukumona cena.

¹⁵⁸ Kabili, ilelo, Lesa wine uyo walandile pali ino nshita ali mukumonekela ukucita filya fine ifyo Asocele Ena akacita, kabili balya bali abapofula nganshi ukucimona. Balya e bashacetekela. Bena balafuma no kusosa, “Owe, teti ncetekele ifintu nga Filya. Nshatala umfwapo pali Cilya mu bumi bwandi!” Tacipanga ubupusano ubuli bonse ifyo mwaumfwa. Baibe itila cikaba pano, kabili cena Cebo Cakwe.

¹⁵⁹ Bena tabatala umfwapo Cilya, nabo, lelo Cena cali kulya cimo cine fye. Mwamona? Cilya cishinka. Bena bali abashacetekela.

¹⁶⁰ Kwati fye fintu Efa ali, ena ali ni kapepa nganshi, mu cine, e ico, lelo ena—ena tacetekele Icebo ca cine. Kabili ena aipangile umwine bukapapa, e ico apangile ama bula yamo aya mukunyu, mwamona, lelo cena tekuti cibombe. *Bukapapa* cipilibula “icakufimbana.”

¹⁶¹ Kaini acitile cintu cimo cine. Kaini tekuti acetekela ukutila Cilya cali icalungama. Atile, “Lesa wa mushilo, Lesa alisanguluka, kabili Lesa aliemba. E ico nalasenda amaluba yamo, kabili nalasenda a—amaluba kabili nalapanga icisuma, icipailo icikalamba, kabili nala—nalalangisha akatina kandi kuli Wene. Nalaya kuli cena, kabili nalafukama ku ntanshi Yakwe no kupepa ulya Lesa. Kabili nalabika amaluba pa cipailo, pantu, namwishiba, ba tata na ba mayo balile imiapele imo, icisabo cimo, mwi bala lya Edeni, kabili cilya e cintu ico camfumishe. Kabili e ico, cilya cili, nalabwelelamo, pantu ndi no kucipanga icaemba. Lesa tekuti akane fye icakulonganinamo candi icikalamba. Cinshi, ndi nokuba

icakulonganinamo candi icikalamba! Ndi no kukula icisuma sana mpaka cili no kutemuna amatontonkanyo yakwa Lesa.” Satana e ulya uwikala mukuemba. Filya ni filya fine fye ifyo Amalembo yasosa.

¹⁶² Ulya e mulandu wine, inshita shimo, umwanakashi uwaemba aba inyambi yakwa Satana. Nga ena kuti amwikata wene, ena kuti atwala abengi abaume ku mbo ukucila eflyo ena enga cita ne fikulwa fyabwalwa mu calo. Cilya cishinka. Mwamona? Atemwa, umusuma, umo umukalamba umusuma umwaume uyo ushingacita—uyo ushingeminina muli bucishinka bwakwe ubwa caume, mwamona, nakabili, ena kuti abatwala balya banakashi kuli ciwa, kabili no kubatwala kumbo. Ee, mukwai.

¹⁶³ Moneni, Satana ekala mukuemba. Ni cinshi ico aeeshe ukucita mu kutendeka? Ukukula ubufumu ubwaembesha nganshi ukucila ifyo ubwa kwa Mikaele bwali; aile kulya ku kwa Kulyo, no kusenda icakaniko capali fitatu ica ba Malaika pamo nankwe.

¹⁶⁴ Mwamona uo—uo mwana ulya ali lyena, alikwete cilye cifyalilwa muli wene? Umwana wakwa Satana. Mucine, cena cali. Nomba ena akulile cipailo, kabili ena alifukeme kabili alipepele. Ena alipitile mu fintu fyonse ifyo (Kaini) ico Abele acitile.

¹⁶⁵ Lelo Abele alishibe ukutila tacali cilya. Ena. . . Cena cali mulopa uyo wa bafumishe. Alishibe ukutila cilya cali eco. Cali ukukumana, umulopa. E ico ena asendele inama inono, no kuipela pa cilibwe, kabili aputawile umukoshi wa iko.

¹⁶⁶ Moneni Kaini, ena. . . Lesa alimwebele, Atile, “Cinshi ico tauleshinshimwina nga munonko, kabili uli no kucita fye bwino. Iwe uli no kucita fye bwino nga uli no kucita cilya.” Lelo, iyo, ena alishibe ifingi nganshi palwa cena. Mwamona, ena alikene ica ntendekelo, icashininkishiwa Icebo. Nga cilya tacaba abana bakwe ilelo! Mwamona?

¹⁶⁷ Nomba lolekesheni, “Lesa ali pele ubunte,” Baibele itila. AbaHebere icipandwa ca 4, atemwa icipandwa ca 11, “Lesa ukupela bukamboni pa cabupe Cakwe, ukutila Ena ali umulungami.” Lesa ashininkishe icakuninika cakwe. Lesa apele icishininkisho ukutila cilya eco Ena asumine; cilya cali Icebo Cakwe, ipange Lyakwe.

¹⁶⁸ Kabili aebele Kaini, atile, “Cita icintu cimo cine, no kuba no mweo.” Lelo bushe muletonkanya ena kuti acita, ena kuti akana itontonkanyo lyakwe? Iyo, mukwai. Ena ali ushacetekela, kabili ena aile fye kulya kwine. Cilya cishinka. Kaini acitile cintu cimo cine. Nimrod acitile icintu cimo cine. Abashacetekela! Ena tacetekele.

Beltshazar, icintu cimo cine, nangula, atemwa. . .

169 Nebuchadinezar, nangula ukukwita Daniele ngo mulungu wakwe, amwitile wene Belteshaza, ico cali ishina lya mulungu wakwe, alimwene Daniele ukubomba imilimo ikalamba iyakwa Lesa. Kabili lyena alishibe ukutila—ukutila Belteshazar alicetekele, atemwa ulya Daniele ali mulungu, e ico apangile icimpashanya kuli wene, no kucibika ku nse kulya kwa kupepa kulenga umuntu onse ukushinshimuna cena, kabili na fimbipo. Mwamona, ubufumu bwa Benafyalo bwaishilemo no kupatikisha ukwakupepa ukwa cimpashanya ica muntu wa mushilo, kabili ubufumu bwa Benafyalo bulepwa no kupatikisha kwa kupepa cimpashanya ica muntu wa mushilo, mwamona, umusango umo wine.

170 Kabili pali ifilembo pa cibumba, ifya ndimi ishishaishibikwa, pa ntendekelo ya ubufumu ubwa Benafyalo, ukutila takwali nangu umo uwingabelenga kano ulya kasesema. Kabili pali ifilembo pa cibumba ilelo, cilya cishinka, “Ichabod,” ukutila ubukata bwakwa Lesa na bufuma pali filya fintu. Kabili ifilembo fili pa cibumba kabili kuti fyabelengwa ku mano ya bumupashi ayo yacetekela mu fintu fya bumupashi, yalifyalwa ku Mupashi wa kwa Lesa.

171 Umukote Belteshazar aya kunge no kusenda fipe fyakwa Shikulu, ukunwinamo umwangashi muli fyena. Cinshi? Ena ali ushacetekela. Ena atontonkenye ena ali uwacetekela, lelo ena ali ushacetekela. Mwamona, cilya cali eco, ena tacetekele Cebo.

172 Ahab, ena ali ushacetekela, nangula ena—ena acitile kwati tali. Iyo, iyo, ena ali pakati ka bacetekela, lelo ena ali ushacetekela. Ni cinshi ico acitile? Alyupile kapepa wa tumilungu, kabili aletele cena, utumilungu, mulya mwine mu Israele. Ena ali ushacetekela. Ifwe twalishiba cilya.

173 Bena balakana Icebo cakwa Lesa conse ukuba icine. Ushacetekela aba, mwamona, nombamba ibukisheni, ena ni bumbimunda. Kabili ena—ena acita filya fine, ena asosa ukutila ena alicetekela Cena, lelo ena alacikana Cena. Atile, “Cisuma, ubwingi bwa Cena cili fye bwino.” Lelo nga conse ica cena tacili icalungama, lyena cilya cilelenga wene ukuba ushacetekela. Imwe mulingile ukucetekela icakulumbwilako conse nakalembwa konse, ne fintu fyonse ifyo fyalandwa Mulya. Cena cilingile ukuba icine. Nga cena tacili icine, nga mulesosa nombamba, “Nshacetekela cilya,” cisuma, lyena muli abashacetekela.

174 Kuli umwaume uwasosele kuli ine, inshita imo, ka—kapyunga atile, “Nshilesakamana, Mr. Branham, ni banga abantu abo imwe mwingaleta cilya—abo iwe wasoso kutila balyundapwa, ine tekuti nsetekele cena.”

175 Natile, “Mucine iyo, iwe tekuti ucetekele cena. Iwe uli ushacetekela. Cena tacali ica kuli iwe. Cena ca kubacetekela fye.”

¹⁷⁶ Imwe mulingile ukucetekela cena. Mwamona? Kabili bena tabacetekela Cena. E ico ilyo mulemona umuntu muli cilya, cisuma eflyo Paulo alandile pali bakasesema, ukusoso kutila bena bakaba “bacintala, abatumikwa, abatemwa ukwangala ukucila ukutemwa Lesa; abakwata imimonekele ya bukapepa, lelo ukukana Maka yabuko, Amaka ya Cebo; ku bamusango ifi talukako.” Moneni, bena balakana Icebo conse, lelo mu musango onse ni bakapepa. Bena bantu abashacetekela mu Cebo ca cine, nangula Cena cingashininkishiwa.

¹⁷⁷ Monse ukupita mu nshita yonse, Lesa ashininkishe Cebo ica ba abantu abo nandilepo, Noah, kabili ukuya fye ukupita muli Mose, na bonse bakasesema, na fimbipo. Lesa alandile ukupita mu cakupapusha ne Cebo cashininkishiwa, kabili nombamba balya bantu baendele ukufuma fye kuli cena.

¹⁷⁸ Kabili aba pano abasambi na beminina kulya, balya amakumi cinelubali, no kulolekesha Yesu ukucite fintu ifyo Ena acitile, no kwishiba Amalemo, na Wene ukubeba ukutula ilya yali ni nshita iyo ici cali no kucitika. Kabili lyena ilyo Ena asosele icintu cimo, “Umwana wa muntu, ni cinshi ico mwingasosa . . .” Ilyo Ena atendeke ukubeba pa lwakumokaula umukate, kabili na fimbipo, no kuya pantanshi ukubeba pa lwa fikalamba ne fintu fya bumupashi.

Kabili batile, “Owe, Iyi ni nsoselo ya kosa!”

¹⁷⁹ Atile, “Cinshi ico uli no kusosa lyena nga, Umwana wa muntu, mulemona Wene ukunina mu Mulu uko Ena afumine?” Atile, “Bushe cena mubili, atemwa caba mu Mupashi, uleta ku mweo?” Mwamona?

¹⁸⁰ Kabili lyena balifumineko, batile, “Owe, Cilya, iyo, ine tekuti nceetekele Cilya.” Mwamona? Bena balifumineko, pa Cebo. Bena tekuti bekale ukumona ico cilecitika. Ulya ni ulya u—ulya ni ulya ushacetekela.

¹⁸¹ Bena, ni cinshi ico balecita lyena? Tulesanga ukutula bena, ukutula aba bantu, aba bacetekela, abetwa ukuba abacetekela, lelo mu musango wa bukapepa, kabili bena bafilwa ukumona Icine cashininkishiwa ica Cebo cakwa Lesa pantu Cena cilasusha ifyo bena bacetekela. Mwamona?

¹⁸² Cena tacipanga ubupusano ubuli bonse ifyo imwe mwacetekela, ifyo imwe mwaba abanakila, ifyo mwaba bukapepa, atemwa, cilya tacakwatapo icintu cimo ukucita kuli cena. Ubufumacumi, cinshi, cilya takwatapo icakucita nacena. Nalimona abantu ukuba ababufumacumi nganshi! Nalimona abasenshi ukoca abana babo, ukubalisha ku ng’wena, bana cifyashi no tunya twabo. Cilya cacila pa fyo Mwinakristu enga cita. Mwamona? Mubufumacumi balicetekela, mubufumacumi, lelo bali ababufumacumi mukuluba.

183 Abantu batila, “Cisuma, ulu lukuta lwaliminina!” Cilya, Imwe muli ababufumacumi mucilubo, nga cena cili icapusana ku Cebo. “Cisuma, nomba lolekesheni, nshacetekela mu cintu ca musango filya!” Ilyo, Baibele itila Cena cali fyo, nangula! Mwamona? “Nshilecetekela ukutila tulingile ukucita *Ici*.” Nshilesakamana ifyo imwe muletonkanya imwe tamulingile ukucita. Lesa atile cilingile ukucitwa.

184 “Ifi fishibilo fikakonka bena.” Ukufika kwisa? “Kwi sonde lyonse.” Ani? “Ku cibumbwa conse.” Mwamona, cena cikaba; tacili tacakabe, cena cili no kuba!

185 Kabili iyi Mbila ya ora iyo ifwe nomba tuleipakisha, Umulola wakwa Lesa, ubushiku bwa kulekelesha, inshita ya cingulo bushiku ilyo Amalubuuto yaleaka, kabili ne fintu ifyo fyaisulwa, kabili Icebo kushininkishiwa no kushininkisha ukuba Icine; fyonse ukusesemwa, ukwisa mukufikilishiwa, ukupita muli fyonse fya science ne fintu fyonse, ukushininkisha ukutila Cena cili, “Yesu Kristu cimo cine mailo, ilelo, no muyayaya.” Kabili, umuntu afumako kuli Cilya, ena aba—ena aba ushacetekela. Ena acila pa kusubila. Ena, alinenushiwa na maka yakwa Satana, e ico takuli ukusubila kuli wene. Ena nacila pa kusubila.

186 Nomba cilya ni cinshi? Uwacetekela; nomba ushacetekela; nomba ibumba lya citatu, ifwe tulelandapo, aba uwaitunga ukucetekela. Ulya e mulumendo, uwaitunga kucetekela! Nomba, ibukisheni, mulya mwaiminine bonse batatu. Nomba, tulesanga nomba, bena balacita filya fine nge fyo shibo acita, Yuda.

Kulya kwali Petro na bashala abatumwa, abacetekela.

Kwali aba makumi cinelubali, abashacetekela.

187 Kabili kulya kwali Yuda, alikele ukutwalilila, ena ali ushacetekela. Ni finshi ifyo bacita? Uyu e musango uyo uwikatilila mpaka kuti basanga icintu cimo, icilubo muli Cena. Bena balelolela inshita yonse ukusanga apakusontela umunwe, ukumona musango nshi cili no kucitwa, ukumona nga cena bucenjeshi, nga cena malele. Bena balelolela ukushitishiwa. Bena balelolela cilya.

188 Ushacetekela, ena talolela no kulolela. Ena naebaula Cena, nokufumako.

189 Uwacetekela, te mulandu ico cilecitika, ena alacetekela Cena, ifyo fine, pantu Cena Cebo.

Yalya palya amabumba yenu yatatu.

190 Ushacetekela umukote ali no kufumako, pa cintu cakubalilapo ico cilelandwa, ena tafwaya palwa cena. Munyina, ena ali no kuposa imibele yakwe lilya line. Ena tacetekela. Paulo atile, “Bafumine pakati kesu, pantu tabali aba muli ifwe, mukutendeka. Bena batendeke pamo na ifwe.”

“Owe, imwe mwali butwike bwino; ni cinshi ica mucingilile?” Mulecimona cena? “Bena balile, pantu tabali ba muli ifwe.” Ilyo bena bamona Icebo mukupwililika ukuya pantanshi, cinshi, bena balefwaya ukusenda amalele aya musango umo ayo bengabomba. Mwamona?

¹⁹¹ Lelo abacetekela aba cine tabepusha nangu cimo. Cena calilembwa mu Cebo, kabili bena balacetekela Cena, kabili bena balatwalilila fye ukuya pantanshi. Cilya, cilya eco. Lyonse, cena calilembwa. Nga cena tacalembwa, cinshi, imwe mulatalukako fye kuli cena, te mulandu ifyo ificitika. Cena cilingile ukulembwa. Mwamona? Kabili bena balamona cilye Cebo icalembwa kabili balacetekela Cena. Kabili bena balamona Lesa ukwenda mu Cebo Cakwe, ukumona ora, Imbila, inshita, kabili bena balenda pamo na Cena.

¹⁹² Nge fyo naxisosa muno lucelo, ifyo Pilato umukote alingile aendele panshi, inshita ya bushiku, na kapingu wakwe uwasakamikwa, ukwasha ukuisangulula umwine. Kabili atile, mwe, ilyo kwabula ukutwishika ena alibilikishe mu nshita yonse iya bushiku, atile, “Ine—ine—ninkwata—ninsamba iminwe yandi, inshita yonse iya bushiku, kabili nalyo line tekuti njiluke. Mwamona, bena tabali abasanguluka. Ine tekuti ntale ukukumanya Wene; ninkwata Umulopa pa minwe yandi.” Owe, mwe! Mwamona, mwikatala ukuba aba mulandu pali cilya. Mwamona?

¹⁹³ Cena cili pa minwe yenu. Kwaba fye inshila imo imwe mwingakana Cena; cilya cili, sumineni Cena, cilya cishinka, beni iciputulwa ca Cena. Cilya eflyo Wena wasumishiwepo.

¹⁹⁴ Nomba, uwaitunga ukucetekela alekala palya no kubomba fye bwino bwino ngeflyo enga cita, lelo mukati ka mutima wakwe ena aleesha ukusanga ico cili—ico cili, imwe, ifyo mulecicita. Owe, nge calo tacaisushiwa na cilye ciputulwa, na babumbimunda! Ee. Ulya ni Yuda. Cilya ni filya fine. Alekala kulya, alesha mukuba iciputulwa ce bumba; ena ali kasunga wa cipao, mwamona. Ena aleminina, ena lyonse abika amaboko yakwe pa ndalama. Imwe kuti mwalanda cilya, icintu cimo, ena lyonse alefwaya indalama, kabili nakwata ukuboko kwakwe pali ici. Kabili ena aliitunga ukucetekela. Ena alacita kwati alicetekela, lelo mukati ka mutima wakwe. . .

¹⁹⁵ Muleibukisha, ena taletumpika Yesu. Panuma aba makumi cinelubali baile, kabili abacetekela balikwete ukwiminina kwabo; kabili ena Alipilibwike ku bacetekela, Atile, “Kuliko nalyo line icintu cimo muli imwe,” pantu atile, “Nalisala abe kumi limo na babili, kabili umo uwa muli imwe ni kasebanya.” Yesu alishibe, ukufuma ku ntendekelo, pantu Ena ali Cebo. Ena alishibe inkama ya mu mutima.

¹⁹⁶ Ifyo cena cali icakosa! Iminineni pali miniti. Tontonkanyeni nganshi, inshita itali, ukutonta! Ifyo cena

cilingile cali icakosa pali Wene, ukwenda kulya kwine, no mwaume ukumwita Wene, “Munyina,” kabili ukwishiba inshita yonse ulya ali ni kabepa uyo wali no kwesha ukufulunganya wene, no kushitisha Wene pa ma silvere amakumi yatatu. Ifyo cena cali icakosa ukucisunga mu mutima wakwe, kabili umu Nankwe ukwenda kulya lubali. Nakabili Atile, “We munandi,” ukwita Yuda Umunankwe, “bushe nshaba naimwe, yonse iyi nshita?” Ukwishiba mu mutima Wakwe, kabili ena tekuti asose cena. Ena alishibe, ukufuma ku kutendeka, uyu uwali no kumufutuka Wene.

¹⁹⁷ Ulya palya uwaitunga ukucetekela uyo ulolela fye. Ena ali no kwimba lulya, ukusosa, “Owe, nalicetekela *ici*, kabili nalicetekela *ici*, kabili nali cetekela *ici*. Lelo, owe, namwishiba, nalyumfwa umuntu umo ukusosa cena cili imiku iya *ifi-ne-fi*.” Owe, mwamona, na matwi ayabulo kumfwa.

¹⁹⁸ Uwacetekela uwa cine tomfwa nangu cimo kano fye Cebo. Epela fye. Ena alolekesha Icebo. Ena talelelekesha apa kusangila icilubo. Ena talelelekesha pa malele nangu yamo. Ena alacetekela Lesa, kabili cilya e cipwishishisha cena, kabili ena atwalilila fye ukulaya. Mwamona? Ulya palya uwacetekela.

¹⁹⁹ Ushacetekela alesushiwa muli miniti, kabili ena tekuti ekale ukumfwa ama miniti ikumi pa Mbila. Ena alingile ukwima no kuya panse. Cena nacipusana ne cisumino cakwe, kabili ena takwatapo nakabili icakucita na cena, e ico alafuma panse.

²⁰⁰ Kanshi, uwaitunga kucetekela alekatilila ukuya pantanshi, ulya Yuda. Mwamona ulya ekabepa. Ulya e—ulya e ciwelewele, nga kuti nasosa ishiwi lya musango ulya. Yuda, ena alabapo. Iyi e nshita, inshita shimo, aba baitunga kucetekela baba abalumbuka nganshi ku bantu. Cilya cishinka, aba baitunga ukucetekela, mwamona. Bamo muli bena bantu abapulamo, abasambilila, degree wa bu doctor, amalipilo ayakalamba, ifintu fyonse. Bamo muli bena bantu bakalamba, abacenjela, kwati fye ifyo abana bakwa Satana bengaba.

²⁰¹ Lolekesheni fye ifyo Satana aishile kulya kwine no kusuminishanya ne cili conse ica cilya Cebo; ena alelelela fye ukusanga cilye cifulo icanakuka muli Efa, uko ena engalangisha amaka yakwe ku kumubepa, kukufutuka wene. Ulya—ulya ali ni Satana. Kabili uyu Satana apa, mu musango wa kwa Yuda, muli ilya nshita. Ulya ali ni Satana mu nshita yakubalilapo. Ni finshi ifyo ena ali? Ukusuminishanya ne Cebo mpaka fye akantu kamo akanono; ena aleesha ukusanga icifulo apo ena akwete ukunakuka.

²⁰² Kabili filya ni filya fine ifyo Yuda alesanga ino ine nshita. Ena ali no kwisa fye no kulongana, no kulalelekesha monse mpaka ena kuti asanga cilye cifulo cinono ico, ena, “Owe, cilya cili palya! Cilya eco!” Mwamona? “Owe, ulya e musango cicitilwamo!” Mwamona? Cilya ni filya fine.

203 Mwebengi imwe muleibukisha kulya lubali ilya nshita ya bushiku ilyo ulyo muntu aishile ku ntanshi. Ena atontonkenye kwali ukubelenga kwa mano pa kubelenga amakadi ya kupepelwapo, kabili ifyo ena atontonkenye ena alikwete cilya lilya line. Munyina, ena—ena ali uwashininkisha alicikwete cena. Kabili ena alishile. Ena ali kulukuta ulo lushacetekela mu—mu—muli fi, mu Mbila nsuma, Imbila nsuma yonse. Kabili ena alishile ku ntanshi. Nali uwa naka. Bena baleteyanya ukusenda.

204 Cilya cali ni ku Windsor, Ontario. Mulya, ukwisa fye ukufuma, ukufuma ku United States kulya, ukwisa ukufuma ku Detroit, ku Windsor, icikulwa icikalamba.

205 Kabili uyu muntu alishile kulya nafwala na suti iya butulukila, na tai iyakashika, umuntu uwalemoneka uwa mano, uwacenjela nga kakufyantilako. Ena aishile ku ntanshi. Kabili ine . . . Ena aishileisa. Kabili natile, “Cisuma, ndeka fye nkweite ukuboko kobe.” Natile, “Ninaka; nimona ifimonwa ifingi nganshi. Leka njikate fye ukuboko kobe.” Kabili—kabili nsha mumwene umwaume. Kabili ena abikile ukuboko kwakwe pa kwandi. Kabili natile, “Mukwai, takuli nangu cimo icalubana na iwe. Kabiye fye.”

Atile, “Owe, eko cili, na co.”

206 Kabili atile, “Cisuma, leka mone kulya.” Natile, “Iyo, mukwai, tapali cishibilo nangu cimo. Iyo, mukwai, iwe uli muntu wa bumi busuma.”

Atile, “Kabiye uye lolekesha pe kadi lyandi lya kupepelwapo!”

207 Natile, “Nshilesakamana ifyo ubikile pe kadi lyobe ilyakupepelwapo.” Natile, “Nshikwetepo nangu cimo icakucita ne kadi lyobe lyakupepelwapo,” ukwabula ukutontonkanya, mulemona. Nali uwa naka kabili no kufunshika. Kabili mwe . . . Lelo inkumbu shakwa Lesa, mulemona, shali shicili kulya, ibukisheni.

208 Nga Ena amutuma imwe, cena mulimo Wakwe ukumusakamana imwe. Tacili icandi; cena ni Wene. Ena atumine Cena. Ningile fye ukwiminina pali cilya icili Icine.

209 Ilyo Mose aposele inkoto yakwe, yasangukile mu nsoka, kabili aba malele bacitile icintu cimo cine, ni cinshi ico Mose enga cita kano kwiminina kulya no kulolela inkumbu shakwa Lesa? Epela fye. Icintu cimo cine. Ena akonkele amafunde. Kabili namwishiba ico cacitike, tamwishibe? Mwamona?

210 Uyu muntu atile, “Nomba,” atile, “ici cili apa. Lolekesha pe kadi lyandi ilya kupepelwapo.”

211 Natile, “Cisuma, iwe limbi walikwete icitetekelo icingi, kabili limbi walicitile cena,” ukwabula ukutontonkanya, mulemona. Nalicita . . . ukwabula ukuposako na mano.

212 Elyo aishile kakulula ama batani kwi laya lyakwe no kututumuna icufuba cakwe. Atile, “Mwacimone co!” Kwi bumba.

Kabili natontonkenye, “Ni cinshi icilecitika pano?”

213 Alosekeshe mumbali. Atile, “Mwacimone co!” Atile, “Mwamona ubucenjeshi?” Ulya ni Yuda wenu, umuntu wa bukapepa, kashimikila wa mucilonganino icikalamba. Atile, “Mwacimone co! Nacikwata ‘icitetekelo icingi nganshi.’ Nomba, ena ali uwanaka nganshi, ena tekuti abelenge ukwishiba amatontonkanyo. Mwamona, cena tacileisa kuli wene nakabili.” Kabili kulya atile, “Cena tecitetekelo candi ico cali icikalamba nganshi.” Atile, “Nalibikile cilya pe kadi lya kupepelwapo, kabili nomba ena tekuti acimone cena, mulemona.” Atile, “Bulya bucenjeshi!”

214 Natontonkenye, “Ni cinshi icilecitika?” Elyo inkumbu shakwa Lesa shalikile.

215 Natile, “Mukwai, cinshi ico ciwa abikile mumutima obe ukwasha ukubepa Lesa?” Yuda umupya! Natile, “Iwe uli wa kulukuta lwakwa Kristu.” Njelelako. Cisuma, ine ni nsosa cena. “Iwe uli kashimikila wa kulukuta lwa kwa Kristu. Iwe waba kulukuta lwakwa Kristu, ukufuma mu United States. Kabili ulya umwaume uwikele palya na ilya suti ya blue, kabili umukashi obe no mukashi wakwe abekele kulya, mwalikele pe tebulo mailo ubushiku ilyo lyakwete cintu ca green pali lyena, i—icaanshikwa nge *fi*, kabili mwalipangile ukutila ici cali ‘ukubelenga amano,’ kabili mwali no kwisa muno bushiku.”

216 Ulyo mwaume aliminine. Atile, “Cilya cishinka nganshi. Lesa, kwateni uluse pali ine!”

217 Natile, “Mukwai, iwe walibika ‘TB ne mpwalonda’ pali ilya kadi, kabili nomba naukwata fyena. Fyena fyobe nomba.”

Kabili ena alinjikete yetoloshi ku molu, atile, “Nshacitile...”

218 Natile, “teti ngafwe. Iwe twalililafye. Cilya cili pakati ka iwe na Lesa. Iwe walebele ubupingushi pe kadi lyobe.” Kabili cilya cali mwikete. Kabili cilya e fyonse pali cena.

219 Mwamona, abaitunga ukucetekela, bakabepa, ukwasha ukusanga icilubo cimo na Lesa ne Cebo Cakwe. Balya bena Yuda. Balya ni bena. Mulemona ifyo Yuda aishilefuma? Mwamona ifyo ulya muntu aishilefuma? Ulya e musango abaitunga ukucetekela bacita. Mwamona, abaitunga ukucetekela, owe, abasambilila sana, inshita shimo, kabili icilangisho icikalamba cilesa pakati ka Cebo ne cisumino cabo. Kabili, ilyo cicita, balashitisha ku cilonganino cabo filya fine ifyo katangilila wabo acitile, Yuda. Yuda ashitische ku cilonganino cakwe; ashitische Yesu, Icebo, ku cilonganino cakwe, no kufutuka Yesu Kristu panuma ilyo aosele ukuba iciputulwa ca cena.

²²⁰ Bakapyunga inshita shimo abalumbula ukuba aba bomfi bakwa Kristu, kabili ilyo Icebo calangishiwa palwalala ku kushininkishiwa kuli bulya bushiku, ukutila yena ni Mbila ya ora, kabili bena bali no kushitisha pa mulandu wa kulumbukwa, ku cilonganino cabo; nga filya fine fye ifyo Yuda acitile, afutwike Yesu ku ba Fariseo na ba Seduke. Ulyo mupashi taufwa, e ico kulya ulya waba pakati ka bacetekela, abaitunga ukucetekela, na bashacetekela. Mwamona, filya ni filya fine, aishile isa fye no kushitisha Yesu pa ma silfere amakumi yatatu; kabili abantu abengi bali no kucicita ilelo apakulila, pa ma dollar nayambi imyanda mu mulungu; cisuma, ukukana Lesa uyo waiminina mukati kabo, uyo waleta Umweo wabo, kabili ne Cebo conse.

²²¹ Kabili bena bali no kusosa, “Owe, shilye nshiku sha fisungusho shalipita! Atemwa, Lesa takabila icintu ca musango filya ilelo.” Mwamona? “Owe, nalicetekela muli Yesu Kristu, Umwana wakwa Lesa! ‘Nakucelela Maria, nyina wakwa Lesa, walipalwa pakati ka banakashi!’” Fyonse ifi fintu fimbi ifyo basosa! Kabili bamo muli bena batila, “Nalicetekela mu Cisumino ca Batumwa. Nalicetekela muli Lesa Tata, Impalume, Kalenga wa myulu ne sonde. Nalicetekela mu lukuta lwa mushilo lwa Roman Catholic, ne fi fyonse fintu.”

²²² Njebeni ilyo mutumwa atalile ukukwata icisumino nga cilya. Nga batumwa balikwete icisumino cimo, cena calilembwa mu Milimo ya Batumwa 2:38, “Lapileni no kubatishiwa, cila umu uwa muli imwe, mwi Shina lyakwa Yesu Kristu, ku kulekelelwa kwa membu, kabili muli no kupokelela ica bupe ca Mupashi wa Mushilo.” Nga kuliko icisumino icili conse kuli bena, cilya cali eco. Bena tabakwete cisumino. Cena cali Cebo. Cilya cishinka. Cena cicili icintu cimo cine. Ubu e bulondoloshi ubwa kuposha ubulwele bwa lubembu. “Kabili imwe mukapokelela icabupe Mupashi wa Mushilo! Lapileni nokubatishiwa ku kulekelelwa kwa membu, mwamona, kabili mukapokelela ica bupe ca Mupashi wa Mushilo.”

²²³ Lelo balashitisha, nga Yuda. Ulya untu aitunga ukucetekela. Bamo muli bena baba abantu bamo aba matalanta ayapulamo. Kabili uyu uwaitunga ukucetekela, lolekesheni ulyo mwaume. Ulya e mwaume uwa cenjela. Uyu umwaume umunono uyo wisushiwa bwangu bwangu, no kutoloka no kubutukila panse, kabili insoselo ili yonse inono iyo ena talefwaya, imwe mwiposa amano kuli ena; ena aba fye ushacetekela, icakubalilapo. Lelo ilyo mwamona uyu mwaume, uwaitunga ukucetekela, aikalilila, mwamona, ulya ni Yuda. Ulya ni wene.

²²⁴ Kwati amatalanta ayakalamba. Nalaita amashina pano. Icili, ine mucine nshilingile ukucita cena, lelo nalabeta, ifyo fine, pa kutila imwe muli no kwishiba cena. Kwati, Elvis Presley, Red

Foley, Ernie Ford, Pat Boone. Elvis Presley, Pentecostal; Pat Boone, uwa lukuta lwa kwa Kristu, Red Foley, dikoni mu lukuta lwakwa Kristu; kabili ndetontonkanya Ernest Ford ni Methodist. Kabili bonse balya bantu na yalya matalanta, abacenjela, palya pali television. Na bantu ukusosa, “Cisuma, bushe tababa bakapepa? Bena balemba inyimbo.” Cilya tacilepilibula icintu nangu cimo. Ee, mukwai. Ukubepa isonde!

²²⁵ Ni cinshi ico bapoka ukufuma kuli cena? Yuda akwete amakumi yatatu aya silfere. Elvis, umwina waba Cardillac, kabili umwanda, atemwa ibili, umwanda umo na ma million amakumi yasano ya ma dollars, atemwa ama dollars million mu fyalembwa ne fintu nga filya. Pat Boone na bonse muli bena. Nshilesakamana lukuta nshi babako, ne fintu fyonse, cena ni bubumbimunda. Cena kuitunga ukucetekela. Cena cikankala. Cilya, ubumi bwabo bulashininkisha, ukutila cena tacili icalungama. Cishinka.

²²⁶ Lyena kwaliba balya na matalanta abo ababa ni bakabunganika, abakalamba, amano aya mwi sonde. Bena balashimikila Imbila nsuma, eflyo basosa; abaume abacenjela, aba mano. Umfweni, umwaume uyo wasambilishiwa muli cilye cifulo, ena tekashimikila. Ena ni kafundisha. Bulya ebwaba ubwafya ilelo, ifwe twalikwata bakafundisha.

²²⁷ Yesu tatalile ukusosa, “Kabiye no kusambilila ukucita ici.” Atile, “Kabiyeni ukushimikila Imbila nsuma, kabili ifi fishibilo fikankonka ukushimikila.” Mwamona? Mwamona?

²²⁸ Cilya tacaba ukusambilila ukupanga kafundisha uyo wingeminina no kuba fye, mwe, ukubikamo filye fintu fya maluba, cilya ici mulenga imwe ukumfwa kwati na mwikala fye mu Mulola wa kwa Malaika mukalamba. Cilya te co. “Ukukwata imimonekele ya bukapepa,” mulemona, ulya ni kafundisha, te Mupashi wa Mushilo mu mulimo.

²²⁹ Umo muntu umunono uyo ushaishiba ba ABC bakwe, limbi kuti alishile na Maka ya citetekelo ne Cebo; no kulenga Mupashi wa Mushilo ukucite fintu ifyo ulya muntu taishibepo nangu cimo palwa cena, no kukana cena. Mwamona? Mwacimone co.

²³⁰ Abantu abakalamba! Ee, mukwai. Elyo, bena ni bakalonganika. Bena bali nonka, abalunduluka, abacenjela mu mano ye sonde.

²³¹ Filya fine fye ifyo Satana acitile kuli Efa, ulyo munono, umwanakashi uwa bula maka. Ena aishile kuli wene no kwesha ukushitisha wene itontonkanyo ukutila ena kuti aba uwa mano nganshi ukucila ifyo ali, kabili filya eflyo alefwaya. Mucifulo ca kwikala fye ne fyo Icebo casosele, ena—ena alefwaya ukushitisha wene pe tontonkanyo lya kutila wene akaba uwa mano nganshi, kabili wene ashitile icipe cakwe. Kabili bena bacili balecita icintu cimo cine ilelo. “Amano ya ili sonde ya buwelewele kuli Lesa.” Ee, mukwai.

²³² Iyo, mukwai! Owe, mwe, icintu cimo cine ico ama Fariseo bashitishe, no kucita, mwamona, na mano ayo baishiba. Lelo, lelo balakana Icebo conse ica kwa Lesa.

²³³ Ilyo Cena cashininkishiwa bwino bwino kabili Cena calangishiwa kuli bena, bena nalyo line balesha ukusanga icintu cimo, no kutontonkanya Cena bucenjeshi. Bena tabatekanya mu mano yabo. Bena tekuti baceteketele Cena. Imwe kuti mwabeba icintu icili conse, kabili bena babwelelamo nakabili; imwe kuti mwabeba icintu icili conse, bena babwelelamo nakabili. Kabili bena baba fye... Kabili tekuti bomfwikishe Cena, mulemona. Kabili bamoneni; bena balelolola nshita, apa kusangila fye icilubo. Filya fye fyeka efyo bafwaya.

²³⁴ Cilya e cilya, nga tacali ku nkumbu shakwa Lesa, ifilubo fyandi fyonse nga fyaliletwa pa mbilibili. Nga nalikwete cimo. Mwamona? Cena ni nkumbu shakwa Lesa, pantu tapaba apakusangila ifilubo mu Cebo cakwa Lesa, yaba fye Mbila nsuma iyaololoka. Ine lyonse ndasosa, uuli onse, nga mwamona ine ukusambilisha atemwa ukucite cintu cimo ico cishalingana ne Cebo cakwa Lesa, mukesenjeba. Ici pano icintu ico icifimba ifilubo ifyo muleesha ukusanga. Bikeni fye amenso yenu pali Cilya, kabili imwe tamwakamone apakusangila ifilubo, pantu tapaba apakusangila ifilubo.

²³⁵ Nomba ibukisheni, Yuda atontonkenye ena alisangile cimo. Ulyo muntu atontonkenye alisangile cimo. Inshite shingi, bena batontonkanya balacisanga cena, lelo cishininkisha ukutila tacili fyo. Balya e baitunga ukucetekela, ba bumbimunda. Bena baba icipimo amakumi pabula na fisano pa Cebo, efyo na Efa ali, lelo, amakumi pabula na pabula ne cakaniko pabula ica mwi kumi; lelo cali ni cilya cimo icakaniko ice kumi ico caletele imfwa yonse no bulanda.

²³⁶ Cilya e cintu cimo co cebaula akabungwe ne fintu, pantu bena tabasenda conse Icebo cakwa Lesa. Balya e baitunga ukucetekela. Tulesanga ukutila cena lyonse caba, lelo balakana icine, icashininkishiwa Icebo. Aba lyonse baba muli cila nkulo. Tulabasanga fye ilyo baleya pantanshi, kabili na cimbi baba bakapepa nganshi.

²³⁷ Nomba, ndeteyanya ukwisala ino ine nshita, pantu ni nsenda hafu wa ora na umbi.

²³⁸ Yesu, tulesanga ukutila Ena alitusoka ifwe pali ishi nshiku shakulekelesha na bantu ba musango uyu, ukutila kwali no kubako ifingi nganshi nge cintu icituntulu, ukutila bena mucine bakabepa Abasalwa bene. Cilya ni cinshi? Balya e baYuda, a—abantu abaya apatali nganshi. Lolekesheni, bena—bena kuti balila, ukubilikisha, ukulumbula ukutamfya ifiwa, ifintu fyonse, elyo kabili ukubwelelamo nokukana Icebo. Filya fine. Bena balikwata imimonekele ya bukapepa. Bena kuti—bena kuti—bena mupepi fye... .

²³⁹ Lolekesheni palya apo Yuda aishile. Umupashi wakwa Yuda waninine mu Mbila nsuma, ukwisa ku cifulo ca Pentecost. Lelo ilyo caishile ku nshita ya lubatisho lwakwe mwi Shina lyakwa Yesu Kristu, ne fintu fimbi ifyo fyendela pamo nolubatisho lwa Mupashi wa Mushilo, ena aishilefuma. Ena alangishe imibele yakwe. Kabili ulyo mupashi kuti waikala muli filye filonganino mpaka ulesa kuli cilya Icine, elyo cena cilabwelelamo, ngo mupashi uyo uli pali bena, uyo utangilila ukwisa kwabo; nge fyo Yohane atangilile ukwisa kwa kwa Yesu.

“Nomba mwatila, ‘Yesu asosele bena bakapalama nganshi.’”

²⁴⁰ Nomba, “Abasalwa,” ulya e musango uyo wakwata ama shina yabo pe Buku, ukutula ku mufula, uwa Mweo, abo abacetekela, atemwa umufula we sonde, abo abacetekela conse Icebo ca Mweo. Balya bantu Basalwa.

²⁴¹ Nomba lolekesheni aba bantu. Nomba, ndesosa ici na katina no mucinshi, no kutemwa kwa bulesa; nga nshilecita, naba—ine—ine—ndekabila ubwite bwa cipailo, ine wine. Moneni, Yesu asosele ukutila bena bakabepa Abasalwa bene. Nomba, balya tekuti babe ba Methodist, balya tekuti babe ba Baptist; ifwe twalishiba bena bantu abashacetekela, icakubalilapo. Lelo, kena kabungwe ka ba Pentecostal ako akabulile muli cilye cilonganino, ukushila utushilwa twabo, ukwabula Icebo; no kushila umushilwa no kubikako akabungwe kabo abene, no kubika kunse Icebo. Bena bakabepa Abasalwa bene, icapwililika nganshi mukupalana! Ndetila, “Bena balabilikisha. Bena balapunda. Bena balatoloka toloka. Bena balumbula ukulongana kwa kundapa.” Efyo na Yuda acitile, kabili efyo na bashala muli bena bacitile. Ilyo baile kunse, baishile bwela balesangalala ne fintu fyonse, kabili balikwete na mashina yabo ukulembwa mwi Buku Iya Mwana wampanga ilya Mweo.

²⁴² Lelo, ibukisheni, Nabwinga tacita—tacita—tesa mukumoneka muli lilye bumba. Wene aleya mu Kusendwa.

²⁴³ Pa Bupingushi, ubupingushi bwalitantikwe, “Kabili ama buku yaliswilwe, aba bifi; kabili Ibuku limbi, ilyo lyali li Buku Iya Mweo, lyaliswilwe,” kabili ulya uwali palya Nabwinga kulya ku kupingula Cena. Mwamona? Mwamona? “Limbi Ibuku lyaliswilwe, ilyo lyali Buku Iya Mweo.” Cilya cili ni mpanga kulubali lumo, kabili imbushi kulubali lumbi. Mwamona, abantu abo abafwile kunuma kulya, abo bashatalile ukukwata ishuko, bena e balya bakapatululwa.

²⁴⁴ Lelo nomba moneni, “ukubepa” Abasalwa bene, lolekesheni lilya bumba. Lilya e lilye bumba ilyo likonka ukuya pantanshi, “Ee, munyina. Aleluya! Ee. Ubukata kuli Lesa!” Kabili ukuya fye mu mutima wenu mulemona ifyo bena bale mubomfyeshapo imwe; ukumukwata imwe mu lukuta

(cinshi?) ukukula ibumba, ku kubapoka bena indalama ili yonse inono iyo bengakwata ukufuma muli cena. Muletontonkanya nshaishiba cilya? Bena limbi tekuti batontonkanye nalishiba cena, lelo nalishiba cena.

²⁴⁵ Yesu alishibe, ukufuma ku ntendekelo, uyo wali kabepa. Mwamona? Mwamona? Lelo ni cinshi ico Ena acitile? Ena alolele fye mpaka ilya nshita. Cilya eco ifwe lyonse tulingile ukucita, loleleni mpaka ilya nshita. Mwiingilamo mwebene. Loleleni mpaka ilya miniti.

²⁴⁶ Ukukwata ici-. . . imimonekele, kabili no kulaya fye, lilya e bumba ilibepa. Moneni ulya kabepa, lilye bumba kulya; taciili u—taciili uwa cetekela, taciili ushacetekela, lelo ulyo waitunga ukucetekela. Owe, mwe! Ni cinshi ico balecita? Ukulaya fye mpaka bena baletontonkanya bena kuti basanga icintu cimo, ukusenda ikobili ilili lyonse ilyo benga cita ukufuma mu bantu, mwamona, kabili bena ukushitulika muli utu tubungwe utukalamba utukulu; abo asusha mucine, kabili bena balicishiba. Mwamona, bena balicishiba.

²⁴⁷ Cena tacilepanga ubupusano ubuli bonse ku fyo mulesosa. Bena balisoka kale abantu babo ilyo taulaisa, “Mwiumfwila kuli Cena.”

²⁴⁸ Umo muntu, no kushipa ukwiminina kulya ku Ohio, ilyo fye Munyina Kidd aundepwe, aishile kulya kuntanshi, kabili atile, “Nomba, Munyina Branham, ni kasesema, ukwabula ukutwishika, ilyo ena ali uwasubwa. Lelo nomba,” atile, “ilyo kusubwa kwa fuma pali wene,” atile, “mwilacetekela Ukusambilisha kwakwe, pantu Kwena cilubo.”

²⁴⁹ Kabili ena taishibe, ukutila ukwikala mu cipinda candi, Shikulu asokolwele cena kuli ine. Kabili nalyendele kulya kwine. Kabili mwebengi imwe eko mwali kulya. Natile “Cinshi umuntu engasosela cintu nga cilya, ilyo Icebo. . .” Nomba, mwamona, nshatalile ukusosa ukutila nali kasesema; ena alisosele cena.

²⁵⁰ Kabili kasesema, ishiwi *kasesema*, “kamona,” ica Kale icipi-. . . Nomba, ubwilulo bwa Cingeleshi bwakwa *kasesema* cipilibula “kashimikila.” Lelo *kamona* uwa mu Cipingo ca Kale ali muntu uyo wakwete “ukwilula ukwa Bulesa ukwa Cebo,” kabili aleshininkishiwa ne Cebo ukwisa kuli wene no kumwena libela cena. Cilya cali ni cinshi. . .

²⁵¹ Lelo umuntu ukusosa ukutila umuntu kuti aba kasesema, kabili lyena ukusosa Ukusambilisha kwakwe kuntu kwalubana? Nga cilya tacaba imibombele ya kupanga indalama, ni cinshi? Ora naipalama nganshi ilyo cilya cintu cili nokuletwa palwalala. Ee. Lelo ulya e musango uo, ulya uwaitunga ukucetekela, akupampansha panuma, ukukwita “munyina,” nga filya Yuda. Lelo, ibukisheni, Ena alishibe ukufuma ku ntendekelo. Ena acili alishiba. Ee, mukwai.

252 Ibukisheni, bonse abaleumfwa kuli iyi tepu, na imwe, cilya cishinka, imwe muli umo muli yalya mabumba. Cilya cishinka nganshi. Nomba twalaisala. Uli onse umuntu uli muno, ulipo, umuntu onse uyo ukomfwa kuli iyi tepu; kabili nangula ubushiku bumo ningile ukusha cino calo, aya matepu yakatwalilila ukubapo. Cilya cishinka. Mwamona? Kabili imwe muli umo uwa aya mabumba. Imwe mulingile ukuba umo uwa bena. Cena ni filya fine. Imwe tekuti mubutuke cena. Imwe muli limo ilya aya mabumba.

253 Nomba cinshi? Ilangisheni mwebene na imo imibele imo iya Baibele iyo yacetekele, uko mwacetekele Cebo ilyo Cena cashininkishiwe, nge fyo nashininkisha Cena muno bushiku, ukutila cena cali Icebo icashininkishiwa lyonse, lyonse ukupusana ne cisumino icalumbukwa.

254 Nga imwe mwalikele mu nshiku shakwa Noah, nomba lekeni fye mipushe, lubali nshi ulo imwe mwali nokubako, ulubali lwa lukuta atemwa ulubali lwakwa Noah, kasesema? Mwamona?

255 Nga mwalikele mu nshiku shakwa Mose, bushe nga mwalicetekele imbila yakwa Mose panuma Yena yashininkishiwe no kulangishiwa na Lesa? Lelo bushe nga mwalile na Kora na Dathan, na bena, no kusosa, “Iwe tauli umuntu fye weka uwa mushilo. Bambi abantu kuti bacita ifi fintu ifyo lecita, nabo”? Mwamona? Iwe ulingile ukuba umo, kabili efyo uli, muno bushiku.

256 Atemwa bushe nga wali na Daniele, atemwa no lukuta ulo lwali kulya ku malila yakwa Nebuchadinezar ayo balepela? Mwamona? Bushe nga mwali kunse, atemwa bushe nga mwali kulya ku masha, i—icintu icikalamba ico balekwata?

257 Bushe ngamwali pamo na Eliya, ilyo umuntu uwaiminine eka, ukwitwa, “ishilu ilikote, umuntu uwalufya amano yakwe,” kabili ukwiminina pa mulu walupili, kabili umutwe wakwe ukubalika pa mulu palya ku kasuba, ne nkonto iyaongama mu kuboko kwakwe, ifyuni fyalemulisha, uh-huh, ishilu limo? Atemwa bushe ngamwali pamo na bashimapepo na bonse kulya pamo na Yesabele, na bonse abashala abanakashi abafwele mu mimonekele ipya? Kabili Eliya aliminine kulya, ukubebaula bena, na maka nganshi nge fyo engacita! Lubali nshi ico wingatwalako umukashi obe? Tontonkanyeni fye. Ibikeni fye mucikope muno bushiku.

258 Mu nshiku shakwa Yesu, bushe nga mwali pamo no uyu mulumendo uyo ushakwete ifya kumwishibilako? Ena tali ku cilonganino nangu cimo. Bena batile, “Li sukulu nshi ilyo Iwe wafumineko? Ifwe tatwakukwata Iwe mwi buku lyesu kuno. Nikwisa uko Iwe ufumya aya mano? Musango nshi iwe wingatala ukusambilila nga ifwe tatwakusambilishe Iwe ifi fintu? lisukulu nshi ilyo Iwe wapitilemo? Bushe Niwe

Methodist, Presbyterian, na pamo Baptist?” Ena tali umo uwa fyena. Cilya cishinka. Ena ali Cebo. Cilya ni filya fine icalungama, munyina. Bushe iwe . . .

²⁵⁹ Atemwa bushe nga mwalisendele mbali na ma Fariseo aba cisumino icipya icakwa shimapepo umukote uwapetama uyo wamoneke ukuba uwanakilila nganshi kabili umusuma, kabili akabungwe ako kalipo ukutula ku Kabungwe ka Nicea, atemwa ukutula ilyo Luther abungenye kena? Atemwa ni lisa—nilisa ibumba ilyo imwe mwali no kubamo? Bushe nga mwali kulya kuya. . . . Li bumba nshi ilyo imwe mwali no kuba pamo nalyo? Bushe nga mwaliminine ne Cebo ilyo mwamwene Cena ukulangishiwa no kushininkishiwa kuli imwe, Cena cali ni Mbila iya bulya bushiku, atemwa bushe imwe nga mwaliisendele ukwiminina kwa lukuta? Nomba ipeni fye icikope mwebene muno bushiku.

²⁶⁰ Bushe nge ko mwali kulya pamo na batumwa, ilyo bamwene Yesu ne fi fyonse ifintu fyakupapusha, ilyo Ena aebawile balya bakashimikila, no kusosa, “Muli bumba lya nsoka”? balya bacishinka, bakashimikila abakote balisomene cilya Cebo. Atile, “Imwe tamuli nangu cimo lelo ininga ya fipondo, kabili imwe muli—imwe mwalisulamo amafupa ya bantu abafwa. Imwe tamwaba nangu cimo lelo icibumba icashingulwamo impemba.” Mwamona? “Imwe mwe nkulo ya mafwafwa.” Bushe nga mwaliminine no Muntu uwa mutwe wa kalabana nga ulya, Uyo waiminine kulya no kubebaula no kubalepaula? Atile, “Nani umo uwa muli imwe uwinga Njebaula palubembu? Nga nshilecita ifyo Tata asosele. . . .”

²⁶¹ Bena batile, “Mwiumfwa. Ulyo Mwaume alikwata umupashi uwabipa pali Wene. Ena alifulugana. Ena alipena. Ena ali—Ena alikwata umupashi wa kwa ciwa pali Wene. Mwamona? Nomba, ifyo Ena acita cilya, Ena, ulya mupashi wa kubuka muli Wene. Ena alalanda. . . . Ena ali ni cinshi? Ba nyina bali mukwete ilyo bena na balume babo tabalaupana. Mwamona? Mwamona? Li sukulu nshi Ena apitilemo? Ifwe tatwakwata ilyashi nangu limo ilya Wene ukutala ukuya kusukulu lya masambililo.”

²⁶² Kabili nomba ilyo Ena ali ne myaka ya ku fyalwa ikumi limo na fibili, Ena alipapwishe no kushinina bashimapepo, ne Cebo cakwa Lesa. Mwamona? Li sukulu nshi ilyo Ena afumineko? Isukulu lya ku Mulu. Mwamona? “Ilyo imwe mwamona Umwana wa muntu ukunina uko Ena afumine.” Mwamona, lilya lyali li sukulu Lyakwe.

²⁶³ Lelo bushe ngamwaliminine pamo na batumwa, ku Muntu nga filya, ilyo icilangisho caishile?

²⁶⁴ Atemwa bushe imwe mucine nga mwalifumineko pamo na bekumi cinelubali, no kusosa, “Cisuma, twalabwelelamo ku lukuta lwesu nga cili muli ulya musango Iwe uli no

kulasambilisha, ukusosa ukutila, Iwe, ‘Umwana wa muntu’? Ilyo, nangu cibe fyo, Niwe ani? Cinshi Iwe uli? Umuntu nge fyo naba, ndalya pamo na Iwe, no kwesha ukusosa Iwe uli cintu cimo. Nalikumona Iwe. Nalishiba ukunakuka Kobe. Nalikumona Iwe ukulila. Nalikumona Iwe ukucita *ici, cilya*, atemwa *icibiye*. Nali kumona Iwe ukuya mu matololo pamo na ifwe, kabili ifintu fyonse ifyashala nga filya nomba, kabili Iwe uli fye muntu. Kabili ukusosa Iwe waika ukufuma ku Mulu. Cilya nacicilamo kuli ine.” Bushe nga walyendele na bena?” Atemwa bushe walile pamo na bekumi cinelubali? Atemwa bushe nga walile pamo na batumwa na Kristu?

²⁶⁵ Ilyo Martin Washila aeseshe ukwikatilila ulubatisho mwi Shina lyakwa Yesu Kristu, mu lukuta, ilyo ena acili alyeseshe ukwikatilila ku fishibilo ne fipapwa ne fintu, kabili ulukuta lwa Katolika lwaebawile umwaume kabili lwena talwamwishibe ena nakalya, kabili no kumutamfisha kunse, bushe nga mwalisendele imbali ne cisumino ica Katolika, atemwa bushe ngamwaliminine pamo na Martin Washila? Ilyo ena akene ukubika yonse iyi misango ya fimpashanya, ifya—ifya bantu abafwa, no kufipepa, ukupepa filye fimpashanya, kabili na fimbipo, ilyo ena akene ifishilano ifyo fyalundilweko, atile, “Lekeni Cebo cibe Cine!” Kabili Lesa ashininkishe wene ne fishibilo ifikalamba ne fipapwa, kabili ifyo balandile kabela fyalicitike. Kabili ifintu fyonse ifyo ena acitile, ena aendele mu Mupashi wa kwa Lesa nokushininkisha cena, kabili tapali nangu umu uwa balya ba shimapepo atemwa icintu icili conse icingacitapo icintu icili conse palwa cena. Bushe nga mwali kulubali lwakwe nokuya pamo na Martin Washila, atemwa bushe nga walile pamo ne cisumino ca Katolika?

²⁶⁶ Nomba Icebo, nomba Icebo cakwa Lesa atemwa ifishilano fyalukuta, fili ku ntanshi yenu. Bushe imwe kuti mwasenda, ukusumina filya ifishilano fyalukuta, na pamo bushe mulesenda ifyo Icebo cisosa?

²⁶⁷ Ibukisheni, mu nshita shonse caba nge fyo cili ino ine nshita nomba. Kwaba lyonse ukusumina ukwalumbukwa pakati ka bantu, kabili cena lyonse caba icapusanako panono ku Cebo Icituntulu. Ibukisheni, cena tacatala ukuba fye ukukaninina fye Cena. Owe, iyo. Mu nkanyakristu takane Cebo. Mucine iyo. Ena asosa ukutila alicetekela Cena, lelo te conse ica Cena umusango Cena calembelwamo umu. Mwamona? Mwamona?

²⁶⁸ Satana aebele Efa. Efa acetekela Cena conse kano fye kalya kanono ako ena amwebele. Bena basenda fye conse ica Cena kano fye akanono fye. Limbi kuti caba, “kabiye kucishiba,” limbi kuti caba icintu cimbi. Imwe mulingile ukusenda Cena, conse fye, umusango fye Cena cabelamo *Umu*, mwamona, umusango fye Cena casosa *Umu*. Limbi kuti calenga imwe

ukubomba imilimo imo iya ntanshi nakabili, lelo caba fye ifyo Icebo cilesosa. Ubu bwaba ubucenjeshi bwakwa Satana ukutula ilyo ena abombele cena intanshi pali Efa, ukukanacetekela fye panono sana ukwa Cebo.

²⁶⁹ Kabili, lyonse cilapatula aya mabumba yatatu aya bantu, Icebo cilapatula aba bantu. Muli cila nshita caba ulya wine musango. Cila nshita iyo yatalile ukubapo, cena caba ulya musango, ilyo Lesa atumine icintu cimo mukumonekela kabili palwalala alangisha Cena, Icebo Cakwe.

²⁷⁰ Elyo kwaliba balya abo abakonka, abo abalumbula ukuba abacetekela, kabili bena baba. Kwaba balya abo abashingabwelela kunuma. Bena balicetekela Icebo. Ilyo lyonse muleikala mu Cebo, bena balacetekela Cena.

²⁷¹ Lelo ilyo Cena caisa panono ukupusana, te mulandu umusango Lesa alelangisha Cena ku fyo bena bacetekela, batila, “Cisuma, ine—ine—nshaishiba palwa *Cilya*.” Ulya aba ushacetekela.

²⁷² Atemwa bushe mukonka fye ukumona mpaka kuti mwakwata ishuko ukusosa, “Uh-huh, mwacimone co!” Yuda ukulasa umuntu umo munuma, nge fyo acitile. “Nalishibe cena cikesafuma, ili line atemwa pa ntanshi. Mwacimone co!” Ulya ni ulya uwaitunga ukucetekela. Conse, conse ica cena, ifwe tulemona cena muli Baibele.

²⁷³ Umulumendo umunono inshita imo, kuno lubali mu Kentucky, akushiwe mulya mu mpili, ena—ena tatalile ukuba kulya ukwali icilola cakuimonapo. Ena alikwete akaputulwa akanono akafyantikwe pa cimuti, lelo ena tatalile ukumona umwine. Ena alishile kuno ku Lousiville, cena calilandilwe, no kwikala na bankashi baba nyina. Kabili bena baikele muli imo iya mayanda yasuma, inga’nda ya nshita sha kale. Ilyo baile mukati ka cimo ca fi—fipinda ico cakwete i—icibi ico cakwete icilola ponse pali cena, ukuya fye pa mulu na pesamba lya cibi. Mwamona?

²⁷⁴ Kabili ilyo umuntu umunono atendeke ukubutuka ukupita mu nga’nda, aliminine. Umunono Johnny amwene umunono Johnny. Mwamona? Kabili ena afwenene mu mutwe wakwe, kabili umunono Johnny mucilola afwenene mu mutwe wakwe. Alisekele, na Johnny umunono alisekele mucilola. Ena alitolweke tolweke, na Johnny umunono alitolweke mucilola. Mwamona? Ena ali palamine mupepi nganshi. Ena atontonkenye cena cali umulumendo umunono ena engangala nankwe, e ico aishile enda. Ukutonta fye, aikete pa cilola. Aishile pilibuka, kabili abafyashi bakwe bale mulolekeshu. Atile, “Mayo, ulya nine.”

²⁷⁵ Nomba imwe lolekesheni muli *Ci*, kabili ico cili ni mwe? Uh-huh. Uh-huh. Ni nani umo uwa *aba* ba Johnny abanono imwe mulepashanya? Nani pali imwe, mulemona? Imwe muli umo wa bena.

276 Ulya ni umo uwa bena, uyo wingabwelelamo, ukulufyanya ukunono mwasangile, uko imwe mwaitile ukulufyanya. Mwamona?

277 Shininkisheni cena ne Cebo nokumona nga cena nacilungama, nge Cebo cileshininkisha ifintu fyonse. Mwamona, shininkisheni ifintu fyonse ne Cebo. Yesu eflyo asosele. Ee, mukwai. "Ikatilileni kuli cilya icili icisuma." Cilya ni filya fine ifyo Ena asosele.

278 Nomba lolekesheni mu cilola ca Cebo cakwa Lesa, mu nshita shimbi, kabili nomba ni lisa ibumba ilya aya yatatu ilyo imwe mwingeshibikilwamo. Nomba tontonkanyeni fye, nga imwe mwalikele mu nshiku shakwa Noah, nga imwe mwalikele munshiku shakwa Mose, nga imwe mwalikele munshiku shakwa Yesu, limo muli shena conse ifyo cili, tontonkanyeni fye libumba nshi ilyo imwe mwingeshibikilwa pamo na lyo. Tontonkanyeni pali cena muno bushiku.

279 Lyena, ifyo muli nomba. Nomba, tontonkanyeni fye nomba. Ici cintu cashika nomba. Kabili mwibutuka ukucila cena. Imibele yenu ino ine nshita ishininkisha kuli imwe ibumba ilyo imwe mwali nokubako kunuma kulya. Nomba, muli bakapingula mwebene, cileshininkisha ifyo imwe mwaba.

280 Reverend, kapyunga, libumba nshi ilyo wali no kubako ilyo Yesu alandile lilye lyashi ilyo lyali ilyakosa ukucetekela? Cinshi? Cinshi? Panuma Ena alangishiwe umupwilapo ukutila Ena ali Cebo, mwamona, kabili nomba, lilye lyashi, imwe tamwatala ukumfwa icintu icili conse nga cilya, "Umwana wa muntu, ni finshi imwe muli nokusosa nga Ena anina ukuya mu Mulu uko Ena afumine?"

281 Kabili mwatila, "Cisuma, ninjishiba uko Ena afyalilwe. Nalishiba ba Wishi, nalishiba ba Nyina, kabili pano Ena alesosa ukutila Ena aleya ku mulu uko Ena afumine." Cilya nga caliko icakosesha kuli imwe, bushe nga tacali, mukwai? Uh-huh. Nga cali fye icakosako panono kuli imwe; imwe nga tamwalile Cilya. Nalimo cena cintu cimo cine ilelo. Lyena lolekesheni mu cilola ca Cebo cakwa Lesa no kumona apo mwaiminina. Owe, kabepa wa muntu, mwikesha ukucita cilya.

282 Lolekesheni, imwe muli limo ilya aya mabumba. Mu mibele yenu ino ine nshita, mu mibele yenu iya mano, ukutila, imwe muno muli li bumba ililemoneka, kabili imwe mwe bakaba mwi bumba ilishilemoneka ilya pali iyi tepu, imibele ya mano yenu iya nomba panuma ya kumfwa kuli iyi tepu, cileshininkisha kuli imwe ibumba ilyo mulimo. Ilemweba imwe filya fine uko imwe mwabela, nga cakutila muli abacetekela mu Cebo kabili muli nokwikala pamo na Cena, nga cakutila imwe mwali nokufumako, atemwa ukushimya ilya tepu. Mwamona, cilya cilelanda, ifyo imwe mwacita. Imwe tamulefwaya ukumfwa kuli Yena, no kwisala Yena, ukusosa,

“Nshilefwaya ukumfwa kuli Cilya,” cilya, cilya ni ulya ushacetekela. Mwamona, imwe tamwakaleke ukweshwa cena no kumona nga cena Cine atemwa iyo. Mwamona? Atemwa ukwikala fye no kweshwa ukusanga icilubo cimo na Yena, lyena na mwishiba apo mubebele, na imwe. Yena ilemweba.

²⁸³ Lesa twafwilisheni ukucetekela Cena no kwiminina pali Cena, nokuba aba cishinka kuli Cena, no kunakila Icebo, pantu Ena e Cebo. Bushe mulecetekela cilya? [Ulukuta Iwatila, “Ameni.”—Ka.]

Lekeni ifwe, na tupepe.

²⁸⁴ Shifwe uwa mu Mulu, ifyo caba icakosa, inshita shimo, ukusosa ifi fintu, no kwishiba ukutila nalimo amakumi amakana aya bantu bakomfwa ici pali tepu, ilyo yaleya ukuciluka icalo no kushinguluka isonde. Lelo, Shikulu Umutemwikwa, cena cishinka, cena cishinka nganshi. Ndepepa, Shikulu, intanshi sangululeni umutima wandi. Mwe Shikulu, mpimeni, njesheni.

²⁸⁵ Lolekesheni fye pali ine, Shikulu. Ndi uwanaka. Ine—ine—ine. . . ndi—ndi uwanaka. Ndi—ndi uwafunshika. Umukolomino wandi nauma. Iyandi—iyandi—imilomo yandi ili—ili—ili yalepuka, kwati. Kabili, kabili umubili wandi naunakuka, ndeya ndekota. Kabili—kabili tacakabe inshita nashimbi ishingwi, Shikulu, nalimo, inshita na shimbi ishingwi isha kwenda kwa kasuba, mpaka—mpaka ine nka—ine nkalaya.

²⁸⁶ Kabili nombamba ncencenteni, nombamba, Tata. Kabili nga—nga kuliko icintu cimo ico ndecita mucilubo, kabili nshishibe cena, Imwe—Imwe sokololeni fye cena kuli ine, Shikulu. Imwe, Imwe nangisheni. Ine, ndi uwaiteyanya nombamba ukucilungamika.

²⁸⁷ Ndelolekeshwa ne mwine kulya lubali mu cilola ca Cebo cakwa Lesa. Ni pesa apo njiminine? Bushe ndemona icipasho candi ukulangisha Yesu Kristu? Bushe ulya e muntu ndemona mu cilola? Bushe ndemona umo wa bacetekela aba mu Cipingo ca Kale, atemwa abacetekela aba mu Cipingo Cipyaa? Bushe ndemona uwaitunga ukucetekela? Bushe ndemona ne mwine ngo ushacetekela uyo ushingeminina no kumfwa ku Cebo, kabili kuti asenda itontankanyo lya cilonganino mucifulo? Bushe ndeimona ne mwine ukubapo fye, ukweshwa ukusanga apa kusangila icilubo icinono?

²⁸⁸ Shikulu, nga cili fyo, fye—nsangululeni fye, Shikulu. Lekeni umutima wandi ube uwasangululwa kabili uwa buta. Pantu, ubu bumi bwandi, Shikulu, ine. . . Cena cili, ndefwaya cena mukulungama. Takuli ukukabila ukwa kucicita hafu fye, nga kuliko inshila ukulenga cena mucine ukucitika, ine—ndefwaya cena ukulungamikwa bwino, Tata. Te cilya fye

ceka, lelo nakulatungulula abaume mucilubo, na banakashi mucilubo, na bantu abo natemwa, kabili balintemwa; lyena, ine kuti nalufyanya.

²⁸⁹ Kabili, Tata, nga kuti kuliko icintu icili conse, nga nalitontonkenye muno bushiku ukutila ulukuta ululi lonse ulwa cilonganino lwali fye bwino; atemwa Akabungwe ka Machalichi kali fye bwino, nge cintu bwingi ca bantu cali fye bwino; Shikulu Lesa, ngafwilisheni ukuba umwaume uwalinga, kabili Umwinakristu uwalinga, ukusumina icilubo candi no kwiminina pano nokutuma aba abantu uko ndetontonkanya kuti kwaba ukwalungama. Nsangululeni. Leken i ndolekeshe no kumona. Lelo ilyo caisa kuli filya fintu, Shikulu, kulingana nge fyo ndemona cena, kukwata ilye mimonekele no kukana Icebo; Imwe kuti mwalanda Cena kuli bena, kabili nomba balasosa, “Cisuma, Cena tacipanga ubupusano ubuli bonse.” Cena...Lesa tasubila Cilya nomba.”

²⁹⁰ Shikulu, ndecetekela ukutila ni Mwe Yesu umo wine. Ni Mwe Lesa umo wine Uyo watalile ukuba. Imwe mucili ni mwe Lesa, kabili Imwe tamupilibuka iyo. Nalicetekela ukutila iyi Baibele Cebo Cenu, kabili nalicetekela ukutila Imwe ne Cebo Cenu mwaba cimo cine.

²⁹¹ Kabili ndepepa, Lesa, ukutila Imwe mwalatupela ifwe Umupashi Wenu uwa Mushilo, ukuleta ku mweo Icebo, ukupela yalya Maka ayakutuleta ku mweo; ukutila, ubushiku bumu ilyo ubumi bukapwa, kabili Imwe namupwisha na ifwe, ukutila ifwe tukaletwa ku mweo no kunina mu Mulu uko ifwe twali, mu matontonkanyo yakwa Lesa, ilyo mufula we sonde taulalengwa. Lesa, peleni cena.

²⁹² Tubeleleni uluse pa membu shesu, Tata. Nga kuliko abaume atemwa abanakashi kuno, abo abeminina muli lilye bumba, kunse ka bacetekela aba cine mu Cebo, Lesa, sangululeni imitima yabo. Nga kuliko uuli onse uleikutikako kuli tepu, atemwa akomfwako, ndepepa ukusangululwa kwa mitima yabo, ukutila Imwe muli no ku basangulula, Shikulu. Ine—nshilefwaya ukumona bena ukuluba. Lesa, ndepepa ukutila Imwe mwala—Imwe mwalatwafwilisha ukwiluka ukutila icilubo cimo taca—taca kalungamike icilubo cimbi. Kwaba fye inshila imo iya kucitilamo, cilya caba ukukwata fyonse ifilubo ukufifumya mu nshila, no kulungamika. Kabili ndepepa, Tata, ukutila Imwe muli nokupela cilya kuli ifwe, ukupitila muli Yesu Kristu Shikulwifwe.

²⁹³ Ne mitwe yesu iyakotamikwa, ne mitima yesu iyakontamikwa, nomba ndefwaya imwe ukwiminina fye pa ma miniti ayanono.

²⁹⁴ Ilyo namwene icimonwa ca kumbo, nga u—ngo mulumendo umunono, ukutinya kwa kwena. Lyena, ine kuti nalufyanya

muli ci. Cilya limbi kuti caba fye icakwelenganya. Cena limbi. Nshishibe. Cilemoneka nali ku cifulo cimo. Cali ica cifyalilwa nganshi.

Elyo, te kale sana, ilyo namwene incende sha bapalwa.

²⁹⁵ Ilyo nali mu ncende sha baluba, nalibilikishe, “Mwe Lesa, mwikaleka umuntu ukwisa muno!” Imwe teti, teti kube ululimi ulwingalondolwela imwe ifyo ifya kutinya fya uko fyaba. Takwaba umusango ine ninga mwebelamo. Nga mwalicetekela ukutula kwaliba ku mbo ukwa mulilo, ukwaisula umulilo ne mingu, cilya kuti caba u—umulemfwe uwakantelewle akatalala ku cikope ca fyo ukutinya ukwa iyi mibele ya kuluba kwa kwete, kabili ukucula uko kuli—uko kwaampana na ilye ncende.

²⁹⁶ Kabili nga nalyeseshe ukulanda kuli imwe pa fintu ifyo finga cila ukwiluka kwa muntu, nalyo line tekuti nondolole incende yabapalwa, ifyo kwali umutende! Ukwabula ukufwa, ukwabula ukukota, ukwabula ukulwala; lyonse ukuba umwaice, lyonse ukuba no bumi busuma, kabili ukwabula ukufwa; Umweo wa Muyayaya, mu bwaice ubwapalwa, kabili takuli ulubembu atemwa nangu cimo icashala! Owe, takwaba fye inshila iya ku shi- . . . kulondolola, ukulondolola kwena.

²⁹⁷ Nangula ni Paulo Washila, atile, “Iinso talyamona, ukutwi takwaumfwa, nangula cali nangula calingila mu mitima yabantu,” imwe tekuti mwiluke na cena; takwaba inshila yakucilondolwelamo cena, “ifyo Lesa abakwatila, mubutala, abo abatemwa Wene.”

²⁹⁸ Kabili nomba, nge fyo ici cena mucine cishinka, konse kubili kuno na mwibumba ilishilemoneka, ifwe tuli mucikope pano, muno bushiku, muli imo ya aya mabumba. Limbi tuli abacetekela abacine. . . Esheni cena ne Cebo. Nge Cebo casosele cintu cimo, kabili ulukuta lwasosele cintu cimo capusana, ni cinshi ico mwingasenda? Lolekesheni mu cilola ca Cebo cakwa Lesa no kumona libumba nshi ilyo mwaimininamo. Kabili nga tamuli, muno bushiku, konse kubili muno namwibumba ilishilemoneka, nga tamwaba, nga tamwaba ulyo musango wa bacetekela, bushe kuti na pepa fye ishiwi lye pepo pali imwe nomba, pa kutila mwingesa muli ulyo musango wa bacetekela?

²⁹⁹ Kabili bushe kuti mwalangisha cimo cine, kuli Lesa; ne mitwe yenu iyakontamikwa, imitima yenu iyakontamikwa, amenso yenu ayaisalwa, kabili ku cinso cakwa Lesa? Inshita shimo abantu bomfwa fye umwensu panono, namwishiba, ukuba nga baleimya amaboko yabo, ukumfwa umwensu abo mupalamene nabo. . . Icili, bena tabalingile ukuba muli ulya musango, lelo bena—bena balingile ukufwaya ukwikala, no kusosa, “Ine, ndi mu cilubo. Ndi mucilubo.”

³⁰⁰ “Uyo ucita—uyo ufimba imembu shakwe takalunduluke, lelo uyo utumbula imembu shakwe akabelelwo luse.” Mwamona? Cinshi *ulubembu?* “Ukukanacetekela,” ukukanacetekela mu (cinshi?) Icebo.

³⁰¹ Nomba, nga imwe tamuli muli lilye bumba, kabili kuliko ifintu ifyo—ifyo imwe mulemona muli Baibele ifyo imwe mucita fye. . . mu—mu yenu. . . mu—mu yenu—mu mano yenu, imwe—imwe teti mumone cena. Imwe fye. . . Namwishiba Baibele isosa ifyo, lelo imwe fye. . . Imwe tekuti mwiluke cena, kabili nomba mulefwaya ukucita. Mulesosa, “Lesā, lekeni ine mbe no kwiluka. Ndi no kunakilila Imwe.”

³⁰² Bushe kuti mwaimya ukuboko kwenu, no kusosa, “Njibukisheni ilyo tulepepa”? Lesā amupale. Lesā amupale. Cilya e cisuma. Mwamona?

³⁰³ Mucine tontonkanyeni fye pali cena, “Bushe kuliko icintu cimo muli Baibele ico ine—ine fye—nshaishiba fye? Ine—ine—ndi—ndi no mwenso ndi no kuisanga ne mwine muli imo iya mibele imbi. Nalimo ndi nokuisanga ne mwine pamo na bekumi cinelubali, ukutila ine. . . Kuliko ifintu fimo ifyo ine. . . Cena cintu cakosa kuli ine ukwiluka umusango uo—uo Lesā enga cita ifi fintu, ifyo Ena engaba, ifyo Yesu engaba cimo cine, ifyo—ifyo ifi fintu. Ine—ine nshailuka Cena. Ndefwaya ukwiluka Cena. Ine—ndefwaya ukucetekela Cena. Kabili, Lesā, afwilisheni ukukana cetekela kwandi. Ine—ine ndefwaya ukuba iciputulwa ca Cena. Ndefwaya ukuba uwa kumako ku Cebo. Ndefwaya Cena muli ine.”

³⁰⁴ “Nga mwaikala muli Ine, ne Cebo Candi caikala muli imwe, lyena lombeni ico mulefwaya.” Yohane Washila 15. Twalishiba cilya cishinka. Lolekesheni, “Nga mwaikala,” tacili mukati na kunse, mukati na kunse, lelo, “Nga mwaikala muli Ine,” kabili Ena e Cebo, “kabili Cena caikala muli imwe, lyena lombeni ico mulefwaya kabili cili no kupelwa kuli imwe. Imwe muli no kukwata cena.”

³⁰⁵ “Uyo wapokelela Fyebo Fyandi, nokucetekela pali Wene uyo wantumine, nafuma mu mfwa aingile mu Mweo.” Lelo bushe kuti mwapokelele Cebo, intanshi? Bushe kuti mwapokelele Cebo, conse Cebo, onse Kristu? Kristu aba Icebo casubwa. Ena aba Cebo, icasubwa.

³⁰⁶ *Kristu* cipilibula “Uyo uwasubwa,” Icebo icasubwa ica bulya bushiku, ukulengwa ukumoneka, Kapususha, Kalubula. Lilya e lintu Ena ali no kwisa, kabili Ena ali ulya Muntu uwasubwa ukusenda cilye cifulo.

³⁰⁷ Nomba cena Mupashi wa Mushilo mu nshiku sha kulekelesha, ukwasha ama Lubuuto yacungulo bushiku, ukubweseshā Icitetekelo ico canyataulwa, kupitila mu filonganino, ukwebaula ifilonganino no kubwelela ku Citetekelo ca ntendekelo, ne ca ntendekelo Icitetekelo ca

Baibele; Baibele ya ntendekelo, ukucetekela Icebo Conse ica Cena, te kulundako cena no kulenga Cena ukusosa *ici* no kusosa *cilya*. Soseni fye Cena umusango Cena calandilwamo, kabili imwe mulefwaya ukucetekela cena ulya musango.

³⁰⁸ Bushe kuliko umo ushimishe amaboko yabo, bushe kuti batemwa ukwimya amaboko yabo, no kusosa, “Lesa, njibukisheni?”

³⁰⁹ Lesa akupale, na mayo. Lesa akupale, na mayo wa caice. Lesa akupale, iwe. Cisuma. Lesa akupale, umuntu umunono. Lesa akupale, nkashi yandi. “Ndefwaya Wene.” Kabili Lesa akupale, nkashi, ku kwa kulyo kwandi. Kabili Lesa akupale, kunuma. “Ndefwaya. . .” Kabili Lesa akupale, we mulumendo wa caice. Kabili iwe, nkashi, kuno lubali. Iwe, munyina, ku lubali ulu lumbi, Shikulu akupale. Lesa akupale kunuma. “Njibukisheni fye, Shikulu.”

³¹⁰ Nomba ibukisheni, imwe ta mwimishe ukuboko kwenu kuli ine; kuli Wene. Ukutonta fye kunuma yandi nomba, Shikulu alemona ukuboko kwenu. Nangula nshikumwene kwena, Ena alemona kwena. Ena naishiba umutima wenu. Ena naishiba iciletunta mulya. Ena naishiba amapange yenu. Ena naishiba ifya matontankanyo yenu yali kuli yalya mapange. Lesa akupale, munyina.

³¹¹ Umo muntu naumbi, “Ndefwaya ukucetekela Icebo conse.” Lesa akupale. Cisuma. Lesa akupale. “Ngafweni, Shikulu, nga fweni.” Shikulu alemona amaboko yenu. Ee, mukwai. Cilya eco. “Kuliko ifintu ifyo ine—ine tekuti njiluke. Ine—nshilefwaya ukuba ushacetekela. Nangula nshiluka fyena, ndefwaya ukucetekela cena, ifyo fine. Ndi uwaiteyanya ukusosa, ‘Shikulu Lesa, ndi pano. Ndefwaya ukucetekela. Afweni ukukana cetekela kwandi, Shikulu.’” Lesa abe naimwe. Lesa amupale. Ayengi, amaboko ayengi nayemishiwa, kabili yacili yaleimishiwa.

³¹² Mwatila, “Munyina Branham, bushe cilya cileafwilisha?” Imyeni ukuboko kwenu umuku umo, ne lya cine, ipange lyalungama, nokusanga umusango muleumfwilamo palwa cena.

³¹³ Imwe mwalipela ubunte ukutula kuliko icintu cimo icinono mu bumi bwenu, namwishiba. Kuliko icintu cimo icinono, imwe tamulefwaya cena ukuba kulya, lelo cena cili kulya, ifyo fine. Imwe mulesunguka musango nshi cena cinga citwa. “Kabili, Shikulu, kanyeni ukutula ningaba Yuda. Kanyeni ukutula ine ninga konkelela mu i—mu Mbila, nalimo fye ukweshwa ukutontankanya ukutula ubushiku bumo akalubo akanono ka kamoneka. Mwe Lesa, te ine. Lekeneni njikale fye pa mo ne Cebo Cenu. Mwamona? Atemwa nalimo kuti naba ushacetekela uyo utontontankanya fye, ‘Cisuma, nga—nga. . . cisuma, mulandu nshi abashala muli bena basosela ifyo?’

Mwamona? Ine—nshilefwaya ukuba nga filya ntile. Ndefwaya ukuba uwacetekela. Ndefwaya ukuba. Ndemona Icebo cakwa Lesa ica ora. Ndemona Lesa muli Cena. Kabili, Shikulu, nengeni ukuba iciputulwa ca cilya Cebo. Nengeni ine ukuba iciputulwa ca Cena. Ndefwaya ukuba iciputulwa ca Cena.” Shikulu amupale.

³¹⁴ Nomba natupepe. Kabili cila muntu, muipepele mwe—mwebene, kabili ndi no kumupepelako. Bushe mwalishiba, ubushiku bumo ifwe tuli nokuya ku...ifwe tatwakabe capamo pano, nalimo, pakashita. Bamo muli ifwe balino kusendwa, kabili tatwakabe capamo. Kuliko abengi muli ifwe, uko, bamo muli ifwe tuleya tulekota. Bamo muli ifwe, tatwishibe. Nangula abaice balafwa. Ifwe tulafwa pa ciimo icili conse. Ifwe tulingile ukupatulwa, kabili ici cintu cilingile ukupwishiwa. Kabili imwe tekuti musende cena kulya mucimfulunganya fye, imwe mulingile ukwisa ilyo mucili mu mano yenu ayatuntulu.

³¹⁵ Mwatila, “Cisuma, lintu fye nshilafwa, nga kuti namona Cena.” Iyo, mwicite co. Imwe limbi tekuti mube na mumano yenu ayatuntulu lilya. Imwe limbi kuti mwaipaiwa ilyo ta mulafika ku nga’nda, mubusanso. Imwe limbi kuti mwafwa mukwikatwa kwamutima. Ifwe tatwishibe ico cili nokucitika; Lesa fye eka ewaikatilila cilya. Nshisubila.

³¹⁶ Ndelolekesha abantu panse, nabo, ukwimya amaboko yabo pe windo. Mwamona? Ee, Lesa apale.

³¹⁷ “Ine—ndefwaya—ndefwaya ukuba uwalungama. Ine—ine—ine—ndefwaya ukuba uwalungama.” Kabili nomba lekeni tucilungamike, nomba, ino ine nshita. Kuba fye, imwe kuti mwapwishisha cena pa nshita imo, ukufuma mukati ka mutima wenu, nga imwe mubufuma cumi muli nokusosa, “Shikulu Yesu, te mulandu ifyo cena cili, atemwa ifyo uuli onse alesosa, Icebo Cenu cikaba icantanshi mubumi bwandi. Ndefwaya Cena mu bumi bwandi. Imwe muli Cebo. Baibele efyo isosa, kabili ndecetekela ukutula Baibele yaba Cebo cakwa Lesa. Kabili nalishiba ifisumino ne fishilano, ifyo fyabikwa muli Yena, yalenga Yena umwina wa bumbimunda. Shikulu, nsangululeni ku fintu fya musango ulya, kabili lekeni mbe Wenu onse. Ndeimya amaboko yandi kuli Imwe, ndeimya umutima wandi kuli Imwe, ishiwi lyandi kuli Imwe, ipepo lyandi kuli Imwe. Lesa, mbeleleni uluse ine.”

³¹⁸ Kabili amaboko yandi nayemishiwa, na ine, Shikulu. Nsangululeni, Mwe Shikulu, ukufuma ukukana cetekela konse.

³¹⁹ Nangula Ena teti ampele a—Amaka ukwenda nga filya Enock kabili no kukana fwa, lelo ukusenda fye ukwenda kwa cungulo no kuya ku Mushi pamo Nankwe; lelo, Lesa, ndecetekela ukutula cikacitika, pantu nalishiba kwaliba Ukusendwa mu bushiku bwa kulekelesha, kabili umulimo ukepifiwa.

³²⁰ Kabili, Tata, eflyo isosa kalenda yesu, imyaka amakumi yatatu na mutanda na imbi kabili umulimo uli no kupwa, kabili Imwe muli no kwisa inshita imo mukati ka ilya atemwa takwakabe umubili ukapusushiwa. Kabili lyena balitweba, kuli balya aba fwailisha pa fyakale kabili i—kabili abantu abafwaya ifintu fya musango filya, ukutula ifwe mucine twalitangila ingi, imyaka ingi ukufuma kuli cilya, imyaka ingi pa mulu. Bena balatweba, kuli ba kalenda, ukutula ifwe tuli pantanshi nganshi ukucila filya; nalimo kuli fye ikumi limo na fisano atemwa imyaka amakumi yabili iyashalako. Nshishibe, Tata. Lelo ninjishiba, nangula ukulingana na kalenda yesu, ifwe tuli fye mupepi na kulya.

³²¹ Ndemona kulya ukushingashalako isubilo nangu limo, Shikulu. Kulya kuleisa i...Nga bena balitala ukutendeka ukuposela yalya mabomba pali umo no mubiye, Shikulu, kulya—kulya—takwakabe kuntanshi ya bulwi. Bena bakaba, bena bakonaulana umo no mubiye, kabili, Shikulu, yena yalelebelo kulya, kabili nombamba Baibele itila imyulu yonse ne sonde fikaba pa mulilo. Lesa, ndemona ora ilemonekela.

³²² Ndetontonkanya palwa kwipaiwa ukwa kwa Kateka, kabili elyo kumona ulya umuntu umbi umubifi ukwisamo, ukwabula ukuleka umwaume ukukwata ukweshiwa, kabili ali mulashile, mukwipaiwa kwa kusumya umulopa. Mwe Lesa, umo ali no mulandu nge fyo umbi ali. Bena tabakwete nsambu ya kucita cilya. Ububifi buli mu nko yesu, ilingile ukuba inko ya Bwinakristu, ifyo twaba icilangililo icibusu, Shikulu, ica Bwinakristu. Tubeleleni uluse, Shikulu, pa membu shesu.

³²³ Twafwilisheni, Mwe Lesa, maka maka Ulukuta Lwenu, balya aba batishiwa muli ulyo Mubili wakwa Kristu uwa kupapusha. Icili, “Wena Mupashi uleta ku mweo,” eflyo Mwasosele. Kabili nge fyo Mwana wa muntu aninine ku mulu, eflyo no Mubili Wakwe ukanina ku mulu. Kabili Ena e Mutwe; Ulukuta Lwakwe e Mubili. Mwe Lesa, cena Mutwe uyo utungulula Umubili. Kabili lekeni Umotwe wa Cebo utungulule Umubili wakwa Kristu. Kabili lekeni mbe iciputulwa ca ulyo Mubili, Shikulu.

³²⁴ Ndepepela aba abacimya amaboko yabo, kabili na bonse abalipo na bonse abo abali pa matepu. Shikulu Lesa, ndepepa mubufumacumi. Bengishenimo, Shikulu. Imwe mulelelekesha pa mitima yabo. Imwe mwalishiba ifyo baba. Lelo, ngo mubomfi Wenu, ine—ndepapatila abantu, Shikulu. Ine—nali batemwa. Nalibatemwa.

³²⁵ Kabili ine—ine—ndeesha fye ukucita ici pantu nacumfwa kusonta Kwenu caba kuli ine kucicita. E ico, Tata, ine ndi pano, ukucita ico naishibisha ukucita naco...Beleleni uluse ifilubo fyandi ifya nakuka, Shikulu. Ndepepa ukutula Imwe muli—ukutula Imwe mwalapela kuli ine amaka, ukutula nalalenga cena ukuba palwalala nganshi ku bantu.

³²⁶ Nomba beni na ifwe mu Tabernacle, muno bushiku. Lolekesheni pali aba, Shikulu, balya abacimya amaboko yabo mu Tabernacle. Ncencenteni, Mwe Shikulu, no kunjasha. Kabili nga muliko icilubo icili conse muli ine, nsangululeni, Tata. Peleni cena. Sangululeni ulu ulukuta.

³²⁷ Tusangululeni, Shikulu, ukutila Icebo calalengwa ubuntunse mukati kesu no kulenga ukwishibikwa kwi sonde muli buno bushiku. Peleni cena, Tata. Pantu, ndepela ici, na ine wine, ne lisambililo, kabili ne li bumba, kabili ne Cebo Cenu no bulayo Bwenu, kwi pusukilo lya myeo yesu, mwi Shina lyakwa Yesu Kristu. Peleni cena, Shikulu.

³²⁸ Lekeni Amaka yakwa Lesa yese pali ifwe no kutusuba, ukufuma fye kuli kacema ukwisa kuli janitor, kabili umuntu onse uyo ulipo. Lekeni Mupashi wa Mushilo ese nokusenda icifulo Cakwe mu mitima yesu, nokusenda ubulayo bonse ubwakwa Lesa no kusokolwela kuli ifwe ukutila Icebo Cenu e Cine. Ukupitila mwi Shina lyakwa Yesu ndepepa.

³²⁹ Kabili ilyo tuli ne mitwe yesu iyakontamikwa. “Kuti nacita...” Ndefwaya fye ulelisha organ, nga ena alacita, ukutupela apakutampila pali ulu lwimbo, “Kuti naumfwa Kapususha wandi aleita. Uko Ena alentungulula ndi nokukonka.” *Uko Ena Alentungulula Ndi No Kukonka.*

...wandi Kapususha aleita, (Ena ni cinshi? Icebo!)

Ndeumfwa Kapususha wandi aleita,
Ndeumfwa Kapususha wandi, (nomba kaneni ifishilano fyenu ne fintu)
Senda ulupanda lobe no kuko-...

³³⁰ “Uyo ushakasende ulupanda lwakwe no Kukonka Ine, Icebo, tali uwalinga ukuba umusambi Wandi.”

Uko Aletungulula (kubwelela kuli Baibele, uko Ena ali no kumutungulula)...
nkakonka,
Uko Alentungulula nkakonka,
Uko Alentungulula nkakonka,
Ndi...(nga kuya kucishiba, mwi Shina Lyakwe; nga cena ni kucipailo, ukufumyapo insoni shandi!)...konse fye.

³³¹ [Munyina Branham atendeka ukungwi'ngwinta *Uko Alentungulula Nkakonka—Ka.*]

...Ena ukuya mu mabupingushi, (cilya cili fye bwino nomba)
Nkako...


³³² Lubali nshi ubeleleko? Ni cinshi ico ulemona mu kumonekela kobe muli Baibele, icilola icakuloleshamo icakwa Lesa, nga ndepingulwa nomba ne Cebo?

Ndi no kuya pamo . . .

³³³ “Nalaya pamo ne Cebo, te mulandu ifyo cikasenda. Ndi no kupita mu mabupingushi yakwa Lesa. Nga ndi nokusenda imo iya ncende, nengeni ukuba uwacetekela, ino ine nshita, Icebo.”

. . . na Wene, na Wene inshila yonse.

Pantu uko Alentungulula ine . . .

³³⁴ Nomba tontonkanyenipo cena, mupepi nganshi nomba.
“Ena aletungulula . . .” 

IMISANGO ITATU IYA BACETEKELA BEM63-1124E
(Three Kinds Of Believers)

Iyi Mbila na Munyina William Marrion Branham yaletelwe intendekelo mu Cingeleshi pa Umulungu icungulo bushiku, Novemba 24, 1963, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org